

四庫全書

史部

欽定四庫全書

方輿勝覽卷二十八

宋 祝穆 撰

鄂州

江夏 咸寧

蒲圻 通城

崇陽 嘉魚

建置沿革

禹貢荊州之域於天文為翼軫鶉尾之次自周夷王時入于楚楚雄渠封其子紆為

鄂王春秋時謂之夏洵秦屬南郡漢置江夏郡領鄂縣獻帝時黃祖為江夏太守始於沙羨置屯今郡治是也吳孫權自公安徙治鄂更名曰武昌晉立鄂縣惠帝分荊州置江州而武昌改隸江州江夏仍隸荊州宋江夏郡治夏口宋武立郢州治江夏為是郢城隋改鄂州後為江夏郡唐復為鄂州陞武昌軍節度皇朝因之或兼制置或兼安撫或兼漕今領縣六治江夏

欽定四庫全書



方輿勝覽

一

湖廣總領湖北轉運置司

事要郡名鄂渚

在江夏西黃鶴磯上一二百步輿地記雲夢之南是為一其名稱於離騷見之

○晏類要隋立鄂州似渚故名

武昌

吳破黃祖於沙羨遂改名一

江夏

見沿革注內

夏汭

書注水北曰汭亦名夏

風俗人多勁悍

圖經火耕水耨以漁稻為業云云決烈

形勝

地接荆峴

喬大觀南樓賦云云江吞雲夢

扼東江湖

記室新書云云襟帶吳楚

通接

梁雍

何尚之議夏口在荆江之中云云實為津要

江漢為池

曰吳趙咨對魏王曰吳帶甲百萬

云江漢合流

通典江漢二水在州西合流○禹貢江漢朝宗于海

三國爭衡

郡國志夏

口魯口吳置督將於此云云吳之要害

山川鳳凰山

在江夏縣北二里其形如鳳故名

江

夏山

本名峽山唐天寶改名

黃鶴山

一名黃鵠在江夏東九里遺縣西北二里有黃鶴磯○李

白詩東望黃鶴山雄雄半空出四面生白雲中峯倚紅日巖巖行宮跨峯嶂亦宜密頗聞列仙人於此學飛術一朝向蓬海千載空石室金竈生烟埃玉潭秘清謐地古遺草木庭寒老芝朮蹇余羨攀躋因欲保開逸觀竒徧諸岳茲嶺不可匹結心寄青松永悟客情畢

赤壁山

郡縣志在蒲圻西百二十里北岸烏林與赤壁

相對即周瑜用黃蓋策焚曹公舡處今江漢間言赤壁者五漢陽漢川川脚儀黃州嘉魚江夏惟江夏之說為近烏林與赤壁即非一地蓋赤壁初戰操軍不利引次江北而後有烏林之敗則烏林當在江北詳見黃州注○李白詩二龍爭戰決雌雄赤壁樓舡掃地空烈火漲天照雲漢周瑜於此破曹公○杜牧詩折戟沉沙鐵未銷自將磨洗認前朝東風不與周郎便銅雀春深鎖二橋

大觀山

在江夏東南五里巖壑頗勝

金

城山

在江夏東南二百里
吳將陸渙屯兵于此

蒲磯山

在嘉魚縣境蓋蒲
折縣初置于此

幕

阜山

在通城東南五十里周五百里跨三縣
吳太史慈拒劉表于此置營幕故名

黃龍山

即幕

阜之東頂有湫池中有
黃魚能致雨有瀑泉

鍾臺山

在咸寧東南百里有桃
花洞即李邕讀書之所

石室
尚存 **龍泉山**

在崇陽西南六十里周二百里山有洞石
渠泉流清駛鄉人號魯溪巖有茶甘美

夏口

一名魯口似指夏水之口然何尚之云夏口在荆
江之中正對沔口浦大容舫於事為便而章懷太

子注東漢亦謂夏口戌在今鄂州故唐史皆指鄂州為
夏口本在江北自孫權取對岸夏口之名以名之而江

北之名
始晦 **東湖**

在城東四里有東園
為近城登覽之勝

南湖

在望澤門外周
二十里舊名赤

欄湖外與江道長堤為限長
街貫其中四旁居民蟻附

太平湖

在嘉魚縣南三十
里須歲中涸夜有

光恠誌其處而掘之得古銅蒲圻湖晏公類要湖多蒲
鐘秦少游為吊罇鐘文即此草吳大帝時蒲圻

縣於南浦在江夏南三里離騷云送美人兮——水出
湖側景首山西入大江冬涸夏盈商舟聚泊今名

新開黃金浦在鸚鵡洲上以吳將盧洲孫仲謀泛江遇
黃蓋屯軍于此得名大風拖師請所

之仲謀欲徃——其僕谷利以力擬拖師使泊樊口鑿山
通道歸武昌今謂之吳王峴有洞穴土紫色可以磨鏡

鸚鵡洲在江中黃祖殺禰衡處賦鸚鵡故名初孔融薦
衡於操操不能容送與劉表表不能容送與江

夏太守黃祖祖善待焉祖長子射尤善於衡時大會賓
客人有獻鸚鵡者請賦以娛嘉賓衡攬筆而作文不

如點後以言不遜祖竟殺之○李白詩魏帝營八槎蟻
視一禰衡黃祖斗筭人殺之受惡名吳江賦鸚鵡落筆

起羣英鏘鏘振金玉句欲飛鳴鷺鷥啄孤鳳千春傷
我情五嶽起方寸隱然詎可平才高覽何施寡識冒大

刑至今芳洲上蘭蕙不忍生。○鸚鵡來過吳江水江上

洲傳鸚鵡名鸚鵡西飛隴山去芳洲之樹何青青煙開

蘭葉香風暖夾岸桃花錦浪生遷萬金堤在城西南隅

客此時徒極目長洲孤月向誰明紹熙間夫軍

築壓江亭樓亭南樓晉庾亮在武昌諸左史殷浩之徒

於其上乘秋夜共登俄而庾至諸人

將避之亮曰諸人可住老子於此興復不淺便據胡床

與浩等談詠竟夕。在郡治南黃鶴山頂上有登覽之

勝舊基不知其處中間改為白雲閣元祐間守方澤重

建復舊名記文以為庾亮所登故基非也亮所登乃武

昌安樂宮端門也李巽巖燾作鄂州一記云吳孫氏

更名漢鄂曰武昌今州東百八十里武昌縣是也今鄂

州乃漢沙羨當晉咸康時沙羨未始有鄂及武昌之名

庾亮安復至此。李白陪宋中丞武昌夜飲懷古詩清

景一夜風流在武昌庾公愛秋月乘興坐胡床龍笛

吟寒水天河落曉霜我心還不淺懷古醉餘觴。○黃魯

直登——詩江東湖北行畫圖鄂州——天下無高明
廣深勢抱合表裏江上來畫閣雪筵披襟夏簟寒曾吞
雲夢何足言庾公風流冷似鐵誰其繼之方公悅○四
顧山光接水光凭欄十里芙蓉荷香清風明月無人管併
作南樓黃鶴樓在子城西南隅黃鶴山上此樓因山得一味涼
安乘黃鶴過此○閻伯理記州城西南隅有——者
圖經云費禕登僊嘗駕黃鶴返憇于此遂以名樓事列
神僊之傳迹存述異之志觀其聳構巍峩高標籠嵒上
倚河漢下臨江流重簷翼舒四閭霞蔽坐窺井邑俯拍
雲煙亦荆吳形勝之最也何必賴鄉九柱東陽八詠迺
可賞觀時物會集靈僊者哉刺史兼侍御史淮西租庸
使鄂岳沔等州都團練使河南穆公名寧下車而亂繩
皆理發號而庶政其凝或遂迤退公或登車送遠遊必
於是宴必於是極長沙之浩浩見衆山之累累王室載
懷思仲宣之能賦僊蹤可揖嘉叔偉之芳塵迺喟然嘆

曰黃鶴來時歌城郭之並是浮雲一去惜人世之俱非
有命抽毫紀茲貞石時皇唐永泰元年歲次大荒落月
孟夏日庚寅記○張敬夫云————以山得名也而唐
圖經何自而為恠說謂費文禕仙去駕鶴來憇于此闕
伯理記中乃實其事而或者又引梁任昉記所謂駕鶴
之賓乃荀叔偉非文禕也此皆因黃鶴之名而世之喜
事者妄為之說後來者既不之察又從而並緣增飾之
樓旁有石照亭不知何妄男子題詩窓間遽相傳曰此
仙人呂洞賓所書也文人才士又為之夸大其事而蘇
子瞻亦載馮當世之說有羽衣著屐之詩吁世亦寧有
是理哉甚矣世俗之好恠也○李白聽黃鶴樓吹笛詩
一為遷客去長沙西望長安不見家黃鶴樓中吹玉笛
江城五月落梅花○又送孟浩然詩故人西辭黃鶴樓
煙花二月下揚州孤帆遠影碧空盡惟見長江天際流
○崔顥黃鶴樓詩昔人已乘白雲去此地空餘黃鶴樓
黃鶴一去不復返白雲千載空悠悠晴川歷歷漢陽樹

芳草凄凄鸚鵡洲日暮鄉關何處是煙波江上使人愁
○蘇子瞻云李公澤求黃鶴樓詩因記舊所聞於馮當
世者詩曰黃鶴樓前月滿川抱關飢卒老不眠夜聞三
人笑語言羽衣著履響空山非鬼非人意其仙石扉三
扣聲清圓洞中鏗鉉落門開縹緲入石如飛煙鷄鳴月
落風馭還迎拜稽首願執鞭汝非其人骨腥臙黃金乞
得重莫肩持歸包裏弊席羶夜穿扉屋光射天里閭來
觀已變遷似石非石鉛非鉛或取而有衆忿喧訟歸有
司今幾年无功暴得喜欲顛神人戲汝真
石鏡亭在黃
可憐願君與考然不然此語可信馮公傳
西臨崖有石如鏡為西日所照則炯然發光○賀鑄詩
西戍夕陽晴東城石鏡明有山分八字供作兩眉橫
壓雲亭在黃鶴山椒江漢亭在倅廳張芸叟記
隸統制司云因古城為之
陀寺在黃鶴山上北南齊王中作寺碑遂為古今名刹
○黃魯直詩頭陀全盛時宮殿梯雲級城中空金

碧雲外僧澗澗人亡經緯盡屋破
龍象泣惟有簡西碑文章巍然立
靈竹院 在江夏本孟宗泣竹之所

天聖中孫晟有記今祠壇社稷壇
安遠樓即其故基 朱元晦記云清江劉君清之行州事遂屬

錄事參軍周明仲行視得城東黃鶴山廢營地一區東
西十大南北倍差按政和五禮畫為四壇而屬其後事
於兵馬監押趙伯烜其月壇成東社西稷居前東風伯
西雨雷師居後少卻壇皆三成有壇遺四門前二壇趾
皆方二丈五尺崇盡二寸後二壇趾皆方一丈六尺五
寸崇八寸其再成方面皆殺尺崇四分而去一三成方
殺亦如之而崇不復殺前二壇皆方四丈二尺門六尺
間大五尺後二壇皆方二丈八尺門五尺間四丈九尺
其崇皆四尺社有主崇二尺五寸方尺刻其上培其下
半石也南五丈為門三間北二丈有奇為齋廬五間繚
以重垣堦以堅甃而植以三代之所宜木又云某按社
實山林川澤邱陵墳衍原隰五土之祗而后土勾龍氏

其配也稷則專為原隰之祇能生五穀者而后稷周棄
氏其配也風師箕也雨師畢也是皆著於周禮領於大
宗伯之官唯社稷自天子之都至於國里通得祭而風
雨之神則自唐以來諸郡始得祀焉至於雷神則又唐
制所與雨師同壇
名宦庾亮 鎮武昌見南樓注
黃祖 劉表以為
共牲而祀者也

陶侃 鎮武昌商浩庾翼皆為佐史時號多士
孔覲 為內史每醉彌日不醒醒則判決未嘗有壅衆

云孔公一月二十九日醉
陸遜 輔孫登於武昌令建
勝他人二十九日醒也
昌侯慮毀撤鬪鴨

僧孺 陶甓城
元稹 為武昌節度使
周瑜 孫策以瑜為江夏守討黃

夏太守乃
柳公綽 韓愈與鄂州柳公綽書淮右殘孽尚
治安陸耳
有巢窟環寇之師殆且十萬瞋目難

語自以為武人不肯循法度頡頏作氣勢竊爵自尊大
者肩相摩也不聞有一人援桴鼓誓衆而前者但月令

走馬來求賞給助寇為聲勢而已閣下書生也詩書禮樂是習仁義是修法度是東一旦去文就武鼓三軍而

進之陳師鞠旅親與為辛苦慷慨激同食下卒將二州之牧以壯士氣斬所乘之馬以祭蹠死之士雖古名

將何以 **皇朝張詠** 為崇陽令民以茶為業公曰茶利厚加茲 官將權之命拔茶而置桑民以為苦

其後推茶而崇 **張商英** 為守時蔡京行方田又築園土陽之桑已成 囚罪人公謝表曰方田擾安業

之民園土聚徙鄉之 **人物丁固** 母作大被 惡人傳以為口實 以招賢學 **李邕** 文名天下時稱

李北 **元結** 始稱猗琅子又稱浪士又 **孟嘉** 按陶潛作孟海 稱漫即容拱上更曰聲史 府君傳云嘉

江夏鄂人也庾亮以帝舅民望鎮武昌并領江州辟君部廬陵從事亮引見問風俗得失對曰嘉不知亮以塵

尾掩口而笑曰嘉故是盛德人也又為安西將軍庾翼府功曹再為江州別駕征西大將軍譙國桓溫參軍九

月九日温遊龍山叅佐畢集四弟二甥咸在坐時佐吏
並著戎服有風吹君帽墮落君初不覺良久如廁温命
取以還之仍命孫盛為文嘲之君請筆作答文辭超卓
四座嘆之温問君酒有何好而卿嗜之君曰明公但不
得酒中趣爾淵明先親君之第四女也凱
風寒泉之思實鍾厥心謹採行事撰此傳
馮京 字當世 江夏人
自鄉選至廷
對俱為第一
名賢王欽若 祖郁官鄂渚時其母李氏將
遷黃鶴樓生
男即公也
李綱 以侍御史張浚
論鄂州居住
黃庭堅 謫監
州稅題詠鏡

吹發夏口

王維送江夏南康守云云

乘鄂渚而反顧

屈平涉江有曰云云兮歎秋冬

之緒 過夏首而西浮

屈平哀郢云云 顧龍門而不見

落帆黃鶴之浦

庾信哀江南云云
藏船鸚鵡之洲

路指鳳凰山北雲

唐岑參詩云云衣沾鸚鵡洲邊雨

漢水北吞雲夢入

游儀云云蜀江西帶洞庭流

雲開遠見漢陽城盧綸

晚次鄂州詩云云猶是孤帆一日程佑客晝眠知浪靜舟人夜語覺潮生三湘愁鬢逢秋色萬里歸心對月明

舊業已隨征戰盡更堪江上鼓鞞聲

四六

武昌上流湖右巨鎮

武昌屏翰江左衿喉

遠控湖湘旁帶漢沔

萬騎雲屯一江天險

眷茲沔鄂之雄實控江淮之勢

仍以攸臨之郡就煩兼部之勞

眷洞庭彭蠡之間接牂牁夜郎之境

臺隍枕吳楚之郊形勢盡湖湘之秀

夏口武昌三國之山川如舊江沱漢廣諸侯之風化一新

惟武昌大都會之邦實江國最上流之地

誦崔李黃鶴之詩層樓故在考周曹赤壁之戰折戟未銷

舟車輻輳商賈之往來貔虎雲屯軍民之雜處

南樓乘興當知天下之所無北闕歸班即慶日邊之有名

浩渺波濤來舳舻於千里 鎮臨鄂渚常兼漕節之榮
崢嶸城壘屯貔虎於列營 彈壓淮壩更總制垣之重
左洞庭右彭蠡據湖湘形勢之區
東夏口西武昌覽吳魏興亡之迹

壽昌軍 武昌

建置沿革

吳以前並同鄂州孫權改鄂曰武昌郡晉
宋齊梁因之隋以江夏為鄂州武昌以縣
屬焉唐及五代以至國朝並屬鄂州嘉定十五年陞
為軍使尋又陞武昌軍以與鄂州節鎮之名相類因
玉寶壽昌文錫名壽昌
軍今領縣一治武昌

事要郡名東鄂

晉地理志

樊楚

水經注

風俗土地塔确

吳陸抗

危險而

形勝捍禦上流

郡志晉庾翼欲移鎮樂鄉王述
與庾水賤武昌實江東鎮戍之

中非但云

吳晉重鎮

舊唐志云云

吳主故宮

張文潛吳故宮賦云登武昌之

故墟弔西門之衰柳是

山川武昌山

在縣南百九十里舊云孫

權都鄂欲以

樊山

在武昌西三里一名西山下有寒溪武而昌故名蘇子瞻云鄧聖求為武昌今遊寒

溪西山余時居黃與武昌相望常往來溪山間後與聖求會宿玉堂話舊作詩云春江綠漲蒲萄醅武昌官柳知誰栽憶從樊口戴春酒步上西山尋野梅西山一上十五里風駕兩腋飛崔嵬同遊因卧九曲嶺褰衣獨到吳王臺中原北望在何許但見落日低黃埃歸來解劍亭前路蒼崖半入雲濤堆浪翁醉處今安在石臼杯飲無尊罍爾來古意誰復嗣公有妙語留山隈至今好事除草棘常恐野火燒蒼苔當時相望不可見玉堂正對金鑿開豈知白首同夜直卧看綠燭高花摧江邊曉夢忽驚斷銅環玉鎖鳴春雷山人帳空猿鶴怨江湖水生

鴻鴈來請公作詩寄父
老性和萬壑松風哀

石門山

在武昌縣兩石對峙如門。郭功父詩：雙崖屹

然起，剔蘚認題字。乃知賢令尹，曾同漫叟醉。

東方山

在

唐武昌令馬安與元次山同遊石刻存焉。

西塞山

在縣東百三十里，介于兩山之間，為關塞也。土俗編吳楚

刻云：東方朔故隱。舊境孫策擊黃祖子射于此。表宏賦：沿西塞之峻嶒。

吉祥山

在武昌東七十里，吳主微時嘗隱此。○羅

隱詩：吳主嘗時隱此。山吳都去後，綠潺湲。

郎亭山

在樊山西路，出武昌退谷中。朱梁時，朱友恭鑿山開

道射以強弩，遂拔武昌。即此。

西山

武昌——天下勝處也。自孫氏讎集以來，至元子始顯逾二百年。鄧

安惠公為邑訪元子之跡，為之作窪樽銘。則又顯東坡先生謫居黃岡間，往遊焉，愛其山水，多見於文字中。翻鴉落雪之句，雖畫工不能盡也。則又如顯夫物之興廢，有時到天下勝處，終不可掩。必有賢人君子為之品題。

而況於人乎方二公對直玉堂刻燭揮制曾不及人間名利事而詩章往來獨夢寐於寂寞之濱則其胸中所

期蓋相索於閨風之上矣今安惠之孫俟能追斂其酬唱以貽好事之玩真不墜其家聲者嗚呼元子遠矣二

公之流風餘韻既不可復得而一時金馬石渠文士之盛亦豈可多得哉三復遺音為之興歎

輿地志孫權於樊口被風退谷在郎亭元瓜圻在縣西破船鑿樊嶺而歸因名

何頤詩序有云吳蟠龍石在縣東北江上舊傳有龍蟠王種瓜于此也

集之杯樽石在郎亭西孟仕源居其下有石臨樊水有鄉

薄誰能杯飲車湖在武昌縣東三十里南湖在武昌縣東共守淳朴

賦送君南浦江淹別樊溪在武昌縣寒溪在樊山下有菩

志云吳王有避暑殿在
一山間西山寺即故基
釣臺在北門外大江中郡志

嶂洲在縣西劉毅嘗
破桓元於此
蘆洲在武昌西子胥去楚出關
於江上求渡漁父曰灼灼

兮侵已私與子期兮蘆之漪子胥既渡解劍與之直
千金不受子胥令其勿露漁父知其意遂覆舟而死
井

泉異泉在西塞山郡志天寶中泉出山
巔垂流四百仞元結命曰
白巖泉在武昌
縣南百

六十里泉石幽絕
有馬祖禪師道場
樓閣南樓見鄂州
注
松風閣在西山寺
黃魯直

命名詩依山築閣見平川夜闌箕斗插屋椽我來名之
意適然老松魁梧數百年斧斤所斲今參天風鳴媽皇

五十弦洗耳
不須菩薩泉
亭榭殊亭臨大江馬向理武昌日作元
結取其材殊政異故以名亭
怡

亭蔣穎叔序云
乃李陽水篆李莒八分書裴虬作銘
廣讌亭在樊
山相

傳吳主游宴于此元結有記 **九曲亭** 蘇子由序子瞻遷於齊安無名山而江之南武昌諸山中有浮

屠精舍西曰西山東曰寒溪適西山行於羊腸九曲而獲少平乃營亭而西山之勝始具 **名宦陸遜**

孫權遷都建業留遜輔 **陶侃** 鎮武昌課種柳都尉夜盜太子登掌武昌留事 柳為已種侃問西門柳何

以盜種都尉驚怖謝罪。劉禹 **庾亮** 與庾翼庾冰俱鎮武昌 人物

孟嘉 武昌人 **孟陋** 嘉之弟桓温名之不至 **名賢元結** 逃亂居樊山有子曰叔閑直者

故詩曰將牛何處去耕彼西山陽叔閑修農具直者畔我耕又有子曰叔靜正者故詩曰將船何處去釣彼大

回中叔靜能鼓 **題詠樊山開廣讌** 謝元暉和伏武昌登

橈正者 隨弱翁 **劍璽當塗駭龍戰聖期缺中壤霸功興富縣鵲起登吳山鳳翔陵楚甸襟帶窮巖險帷帟盡謀選北拒溺駢鑣**

西戲收組練江海既無波俯仰流英盼裘冕類禋郊卜
揆崇離殿釣臺臨講閣云云文物共歲黹聲明且蔥蒨
三光厭分景書軌欲同薦參差世紀忽寂寞市朝變舞
館識餘基歌梁想遺轉故林衰木平荒池秋草徧雄圖
悵若茲茂宰深遐瞻幽客滯江臯從賞垂纓弁清卮阻
獻訓良書限聞見幸藉芳音多承風采餘絢于役儻有
期鄂渚

不食武昌魚

吳初欲都武昌陸凱上疏言武昌地危險確非王者之都且童

同游衍
謠云寧飲建業水云云寧還建業死
不向武昌居人心所在天意可知

津亭踈柳風錢起

泊武昌岸云云數株
曾手植好事憶陶公

起來望樊山

唐孟彥深為武昌令元次山居樊山新春

大雪彥深以詩問之江山十日雪
雪深紅霧濃云云但見群玉峯

武昌無限新栽柳韋

罷鄂州祖席嘗書文選云悲莫悲兮生別離登山臨水
送將歸以賤授實從請繼其句逡巡有妓泣然起曰妾

不才不敢染翰遂占兩句家家開門枕江水
子瞻韻武

昌山水誠佳哉當年五柳親亦復不厭武昌居
王介甫寄鄂州

張使君詩云昔人寧飲建鄴水共道不食武昌魚公來
建鄴每自如云云武昌山川今可想綠水逶迤煙莽蒼

白鷗晴飛隨雨漿岸薺茸茸映魚網
挽老留連陌上塵思公一語何由往

西六出外西垣鎮臨要郡惟義昌之小壘
割鄂東鄂控禦上流乃鄂渚之故封

詩樊口光梅何妨覓句若論勝境乃元郎題詠之鄉
折武昌之柳聊可贈行雖曰小邦亦庾亮鎮臨之地

分鄂渚之銳兵足知地重
開樊山之廣讌姑俟時清

方輿勝覽卷二十八

欽定四庫全書

史部

方輿勝覽卷

二十九至
三十一

詳校官編修臣曹城

檢討臣德生覆勘

總校官知縣臣繆琪

校對官典簿臣郭祚熾

謄錄監生臣李璜

欽定四庫全書

方輿勝覽卷二十九

宋 祝穆 撰

岳州

巴陵 平江 臨湘 華容

建置沿革

禹貢荊州之境古三苗國也楚分翼軫之次春秋麇羅三國秦屬長沙郡漢屬南郡

吳以為重鎮晉屬長沙郡宋曰巴陵郡梁置巴州又

置羅州隋曰岳州又置玉州復曰巴陵郡唐置巴州

改岳州國朝因之以英宗潛邸領岳州團練使陞岳

陽軍節度中興改純州華容軍尋復為岳州及岳陽

軍節度領縣

四治巴陵

事要郡名岳陽

居天岳山之陽

風俗人性悍直

郡志土厚水深故云云 女

子皆服力役

郡志云云芻蕘債賣力奪男夫否則恥之

以漁為生

同上諸巴之地面背

江湖每遇霖潦則壞堤決埽民無安止中人之產不過十金以舟為家云云者十室而四五其土人則以潭戶

名形勝左洞庭右彭蠡

同上古三苗國云云

背衡嶽面重湖

譙門記云

云北通巫峽

同上云云南極瀟湘

湘水環其左

同上云云嶼山揖其右

兼有

江湖之勝

郡志地有四瀆江為之長五湖洞庭為之最

城小而固

舊經云魯肅所立唐天寶初裴光贊重加版築今以前史考之侯景之亂湘東王繹以王僧辯為大都督軍至

巴陵遣僧辯書曰但守巴邱以逸待勞又謂僚佐曰巴陵云云僧辯足可委任景水陸並進僧辯乘城固守偃

旗卧鼓安若無人景服其膽勇

荆潭黔蜀四會之衝

歐陽偃虹堤記

據衡湘巴

蜀荆楚之會

勝宗諒桂亭記

山川天岳山

在洞庭湖一名幕阜前有培樓曰巴蛇冢

高一萬八千尺周亘五百餘里昔有真人艾君居之石崖壁立飛鳥莫息壁有篆文夏禹治水嘗至此東隅有溫泉三穴○郡縣志山臨大江吳使魯肅以萬人屯巴邱即此又云蜀先主稱尊號凡文誥策命皆劉巴所作卒葬岳陽後人因號為巴陵○尋江記弄

白鶴山

在巴陵縣

山之南有兩池池潛巨蟒呂翁招而出化而為劍南阜有老木木末悉稿蔓草翳焉翁嘗憇其下有人自木杪降而拜之惟松之精翁授之藥○小說有江叟者好吹笛嘗遇樵叟而髯髯遺江鍊笛每於君山之龍潭吹之無聲一日携笛登一吹於紫荆臺響震林谷忽有兩女子出授神藥云服此當為水仙後不知所終女子蓋龍道巖山

云

在巴陵縣有巨石中竅而邃東西可以與馬往返容屋百楹上下流泉不竭有斷石

云許旌陽嘗以礪劍斬蛟君山在湖中方六十里亦名洞庭之山昔

所遊故名一○湘中記昔秦皇欲入湘觀衡山而遇風浪幾溺至此山而免○郡志君山狀如十二螺髻○

北夢瑣言湘江北流至岳陽達蜀江夏潦後蜀江漲過往湘波溢為洞庭湖凡數百里而君山宛在水中秋水

歸此山復居於陸惟一條湘川而已○劉禹錫詩湖光秋色兩相和潭而無風鏡未磨遙望洞庭山水翠白銀

盤裏一青螺○黃魯直詩滿川風月獨凭欄縮結湘娥十二鬟可惜不當湖水滿銀山堆裏看青山○湘中老

人者有洞庭客呂雲鄉嘗遇之於一側索酒數行老人歌曰湘中老人讀黃老手按紫藟坐碧草春至不知

湘水深日暮忘却巴陵道蘇子瞻云唐末有酒香山州人誦此詩殆是李謫仙輩老人真遁世者也

記君山上有美酒飲者不死漢武帝遣樂巴求得之未進御東方朔竊以飲帝怒欲殺之對曰苟殺臣臣亦不

死已死酒亦
無驗遂救之
玄石山
亦名墨山在華容縣楚詞有石門云馳余車於元石即此地也

山
張說詩序一與墨山相連有禪堂道觀天下絕境
石牛山
在平江上有井泉可以避地
烏

黎山
亦名烏林郡志漢沔在夏口北赤壁在夏口南烏林在赤壁南巴陵又在烏林南華容道在巴陵西

楞伽峯
在巴陵東南有無姓和尚居之柳宗元為記
三江
一江一江一江為西江對

○江為中江洞庭湖
在巴陵縣西西吞赤沙南連青草湖湘為南江洞庭湖橫亘七八百里日月若出沒其中

風土記鼎澧沅湘合諸蠻黔南之水匯于洞庭至巴陵與荆江合○王直方云老杜有過洞庭詩曰蛟室圍青

草龍堆擁白沙護江盤古木迎棹舞神鴉破浪南風正收帆畏日斜雲山千萬疊底處上仙槎李希聖云得之

江心小石上○孟浩然詩八月湖水平涵虛混太清氣蒸雲夢澤波撼岳陽城欲濟無舟楫端居恥聖明可憐

垂釣者空有羨魚情○李白遊洞庭詩洞庭西望楚江
分水盡天南不見雲日落長沙秋色遠不知何處弔湘

君○小說開寶中有賈知微過魯城夫人及二妃於洞
庭歌曰黃陵廟前春草生黃陵女兒茜羅帶輕身短棹

唱歌去水遠天長愁殺人歌畢贈之羅巾而去○劉元
方嘗宿湖岸驛中夜聞歌聲朝閱楹間有題云爺娘送

我青楓根不記青楓幾回落當時
青草湖一名巴邱湖
手刺衣上花今日成灰不堪着

湘東納汨羅之水稱赤亭湖
在華容縣郡縣志有赤亭城
自昔與洞庭並稱

據赤沙湖與洞庭
在巴陵南十里左傳定公四年吳
城赤沙湖與洞庭
人敗楚於雍澁即此郡志夏潦奔

注則洪為此湖冬霜
雲夢澤禹貢曰雲土夢作又則是
既零則涸為平野

戴邛夫人使棄諸夢中言夢而不言雲定公四年載楚
子涉睢濟江入于雲中言雲而不言夢正與禹貢合杜

預注雲夢跨江之南北漢陽圖西水郡志荆江六月經雲在江之北夢在江之南

洞庭旬日乃五瀦資水沅水澧水湘水同注洞庭社會復謂之西水

破之於洞金沙堆在洞庭湖中延袤數里張安國有賦鱖魚背風土記昔庭五瀦

識曰江西沙洲過鴨欄磯即建昌侯孫慮岳陽樓即出狀元楊子洲在華

昔日荆欂飛偃虹堤濠東北湖西百里每西南風濤軒蛟之所

京欲為一以捍之預求記於歐陽公未幾滕去遂不果築建安胡明仲詩云有時風浪戰城西何翅漁陽

萬鼓輦狎水虫虫忘墊溺誰井泉雲母泉在華容大雲人能續一一蓋傷之也

元石山盡生雲母如列樓閣燕公樓在岳陽樓北滕子星井泉溪澗色皆純白

岳陽樓

在郡治西南西面洞庭左顧君山不知創始為誰唐開元四年中書令張說出守是邦日與才

士登臨賦詠自爾名著滕宗諒作而新之范希文為之記蘇子美書其丹邱疎篆其首時稱四絕○范希文記云慶歷四年春滕子京謫守巴陵郡越明年政通人和百廢具興乃重修岳陽樓增其舊制刻唐賢今人詩賦於其上屬予作文以記之予觀夫巴陵勝狀在洞庭一湖銜遠山吞長江浩浩蕩蕩橫無際涯朝輝夕陰氣象萬千此則岳陽樓之大觀也若夫靈雨霏霏連月不開陰風怒號濁浪排空日星隱耀山岳潛形商旅不行樯傾楫摧薄暮冥冥虎嘯猿啼登斯樓也則有去國懷鄉憂讒畏譏滿目蕭然感極而悲者矣至若春和景明波瀾不驚上下天光一碧萬頃沙鷗翔集錦鱗游泳岸芷汀蘭郁郁青青而或長烟一空皓月千里浮光躍金靜影沉璧漁歌互答此樂何極登斯樓也則有心曠神怡寵辱皆忘把酒臨風其喜洋洋者矣嗟夫子嘗求古仁

人之心或異二者之為何哉不以物喜不以已悲居廟
堂之高則憂其民處江湖之遠則憂其君是進亦憂退
亦憂然則何時而樂耶其必曰先天下之憂而憂後天
下之樂而樂歟噫微斯人吾誰與歸○顏延年與張湘
州登巴陵城樓作江漢分楚望衡巫莫南服三湘淪洞
庭七澤藹荆牧經途延舊軌登閨訪川陸水國周地險
河山信重復却倚雲夢林前瞻京臺囿清霽霽岳陽魯
輝薄瀾澳懷矣自達風傷哉千里目萬古陳往還百代
勞起伏存沒竟何人炯戒在明淑請從上世人歸來藝
桑竹○韓愈岳陽樓詩洞庭九州間厥大誰與讓南維
羣崖水北注何奔放瀦為七百里吞納各殊狀自古澄
不清環混無歸嚮炎風日搜攬幽怪多冗長軒然大波
起宇宙隘而放巍我拔蒿華騰躍較健壯聲音一向宏
轟磕車萬輛猶疑帝軒轅張樂就空曠蛟螭露筍簾繡
練吹組帳鬼神非人世節奏頗跌宕陽施見夸麗陰閉
咸悽愴朝迴宜春口極北缺隄障夜纜巴陵洲叢蒿纒

可傍星河盡涵泳俯仰迷下上餘瀾怒不已喧聒鳴甕
益明登岳陽樓輝煥朝日亮飛庶戢其威清宴息纖纒
泓澄湛凝綠物影巧相况江豚時出戲驚波忽蕩漾時
當冬之孟隙竅縮寒漲前臨指近岸側坐眇難望滌濯
神魂清幽懷舒以暢主人童孩舊握手乍欣悵伶我竄
逐歸相見得無恙開筵交履烏爛熳倒家釀孟行無停
留高柱送清唱中盤進橙栗投擲傾脯醬歡窮悲心生
婉變不能忘念昔始讀書志欲干霸王屠龍破千金為
藝亦云亢愛才不擇行觸事得讒謗前年出官日此禍
最無妄公卿採虛名擢拜識天仗姦猜畏彈射斥逐恣
欺誑新恩趨府庭逼仄廁諸將吁嗟苦駑緩但懼失宜
當追思南渡時魚腹甘所葬嚴程迫風帆劈箭入高浪
顛沉在須臾忠鯁誰復諒生還真可喜剋已自懲創庶
從今日後粗識得與喪事多改前好趣有獲新尚誓耕
十畝田不敢萬乘相細君知蚕織推子已能餉行當掛
其冠生死君一訪○杜甫登樓詩昔聞洞庭水今上岳

陽樓吳楚東南坼乾坤日夜浮親朋無一字老病有孤舟
戎馬闕山隅凭高涕泗流○李白詩樓觀滄海盡川
迫洞庭開鴈引愁心去江銜好月來雲間逢下榻天上
接行盃醉後涼風起吹人舞袖迴○白居易題岳陽城
下水漫漫獨上危樓凭曲欄春岸綠時連夢澤夕陽紅
處近長安猿攀樹立啼何苦雁點湖飛渡亦難此地惟
堪畫圖障華堂館驛洞庭南館張祐題詩云一逕迥霜
張與貴人看 館驛洞庭南館朱欄遠碧岑地盤雲
夢角山鎮洞庭心樹白看烟起沙紅 佛寺興國寺在城
見日沉還因此悲屈惆悵又行吟 龍興下瞰澗湖李白
有西閣李白詩明湖法寶寺唐曰龍興下瞰澗湖李白
落天鏡香閣凌雲闕法寶寺嘗與賈舍人于此剪桐望
澗湖作詩云剪落青桐枝澗湖坐 祠廟三閭廟屈平沉
可窺雨洗秋山淨林光澹碧滋 祠廟三閭廟沙之處
曰汨羅江在岳州境內正廟以漁父配享唐末有洪州
衙前軍將題一絕云蒼藤古木幾經春舊祀祠堂小水

濱行客謾陳三酌酒
丈夫元是獨醒人
名宦張說
唐
人
謂
得
江
山
之
助
劉

長卿為觀
皇朝王旦
為平
人物胡廣
後漢
人
居
鄭田
唐

以來隱者凡七八人曰
劉長卿李頻王昌齡鄭谷
單皆有詩見稱
士
呂巖客

字洞賓河中府人唐禮部侍郎謂之孫會昌中兩舉進
士不第去遊廬山過異人得長生訣多遊湘潭岳鄂之

間人莫之識也○岳陽風土記岳陽樓上有呂先生留
題云朝遊北粵暮蒼梧袖有青蛇膽氣麓三入岳陽人

不識朗吟飛過洞庭湖○東軒筆錄滕宗諒守巴陵有
華州回道道士上謁風骨聳秀滕知其異人口占以贈之

曰華州回道道士來到岳陽城別我遊何處秋空一劍橫
回聞之憮然大笑而別或云宗諒因密令畫工傳其像

今岳陽樓傳本狀貌
清俊與俗本特異
名賢韓註
以直言忤代宗貶岳陽
杜甫贈韓諫議詩今

我不樂思岳陽身欲奮飛病在牀美人娟娟隔秋水濯
足洞庭望八荒鴻飛冥冥日月白青楓葉赤天雨霜玉

京羣帝集北斗或騎麒麟翳鳳凰芙蓉旌旗雲霧樂影
動倒景搖瀟湘星宮之君醉瓊漿羽人稀少不在旁似

聞往者赤松子恐是漢代韓張良昔隨劉氏定長安惟
幄未改神慘傷國家成敗吾豈敢色難腥腐食楓香周

南留滯古莫惜南極老人應壽昌美陳與義嘗假館郡
人胡為隔秋水馬得置之貢玉堂

自號簡齋題詠江國踰千里杜甫詩云云山城僅百層岸風
翻夕浪舟雪灑寒燈留滯才難

盡艱危氣益增圖南地圖封七澤寶庠酬退之詩云
未可料變化有鷗鵬地

晨登巴陵李白詩云云城郭蜂房綴多丘山云瀟湘
周覽無不極

春水來杜牧早春寄岳州李使君李善棊愛酒情地閑
雅云城高倚峭巖地勝足樓臺朔漠暖鴻去云

云紫盈幾多思掩抑若為裁返照三聲角寒香一樹梅
烏林芳草遠赤壁健帆開往事空遺恨東流豈不迴分

符穎川政弔屈洛陽才拂匣調珠柱磨鉛勸玉杯棊
鬪小窰勢壚撥凍醪酷此與予非薄何時得奉陪猿

叫洞庭秋雍陶送徐使君赴岳州詩渺渺楚江上風旗
搖去舟馬歸雲夢晚云云別思滿南渡鄉心

生北樓巴陵山水
郡應稱謝公遊

四六問津湖右控連七澤維郡之分北通巫峽
分壘岳陽彈壓重湖據水之會西極瀟湘

惟岳陽之凋郡分符亭澤之濱地分千里以維均
占湖右之要衝息駕洞庭之野郡以一樓而增重

面湖背嶽乃形勝之要區吞雲夢八九於胸方將坐嘯
囊山帶江亦往來之孔道展洞庭萬里之眼自足生春

啼猿嘯虎聊尋駭異之觀京洛雲山外方佇來儀
翳鳳騎麟行慶清華之召乾坤日夜浮又煩坐鎮

壁題巖客之詩知非俗境
樓有范公之記喜得壯遊
先天下之憂後天下之樂不在茲乎
有刺史之榮無刺史之難亦足試矣

峽州

夷陵
長陽

宜都
遠安

建置沿革

禹貢荊州之域鷄尾之分野春秋及戰國
屬楚秦漢為南郡魏武置臨江郡蜀改宜

都郡吳曰西陵晉宋齊並為宜都郡梁置宜州西魏
改為托州後周以地扼三峽之險改托為硤隋改夷

陵郡唐改峽州始從山國朝因之中興移治于
紫陽山又于石鼻山尋復故今領縣四治夷陵

事要郡名夷陵

西陵

峽口

風俗

民俗儉陋

自足無

所仰於

業儒者鮮

同地僻而遠

歐陽永叔至地僻而貧
喜亭記云云

歐陽永叔記曰云云故夷形勝西通全蜀荆渚記夷陵陵為下縣而峽為小州郡居大江之

上云云故夷陵北轅襄漢張商英記云有安蜀古城陸贄秦鳳歐陽

至喜亭記距三峽之口郭見義三游洞記在吳蜀之介

寰宇記西陵重鎮元和志郡城陸抗所築楚之西塞袁

宜都山川記云南有荆門山北有國之西門通鑑吳陸

虎牙山相對云云在今宜都國之西門抗曰西陵

建平國之藩表臣父遜昔上言西陵峽險至此平夷歐

云云若有不守則荆州非吳有也張安國記一喜

末叔送田秀才序巴西陵勝景三張安國記一喜

樓曰楚塞夏后疏鑿文選江賦巴楚王墳墓夷堅志

洞曰三游東之峽云云楚王墳墓夷堅志

地土產米麩魚歐陽永叔與尹師魯書椒紙漆歐陽公

久歐公紙說三省中帳籍惟峽州者不壞奈山川夷陵

山一名西陵峽在夷陵縣西北二十五里○吳志云陸遜破劉備還屯此守峽口以備蜀即此是也

宜陽山有風井穴大如甕夏出冬入有樵人置筮穴落

鍾山系本云廩君之先故出巫峽姓出於黑穴黃牛

山荆州記南崖有重嶺疊起崖間有石色如人牽牛人

之行者歌曰朝發黃牛暮發黃牛白居易詩白虎

狗次黃牛灘如竹節稠路穿天地險人續古今愁

牙山在夷陵東南三十五里荆州馬鞍山在夷陵縣通

方輿勝覽

九

備備升
兵自遠即此山

石鼻山

此其山隔大江高五百餘仞

廣袤二十里下臨江流中有石橫

重山

穴夏則風出秋

則風入春孤山

此在遠安縣有陸抗城袁崧嘗登丹山在

安時有赤鹿溪山

在遠安西六里鹿苑寺之側山多鹿

未有如鹿溪者遂

百井山

在遠安西四十五里高三千

望見望州山

在宜都縣巫峽其間首尾百六十里謂之

女名曰瑤姬未行而亡封於下故為立廟號朝雲焉

明月峽

在夷陵倚江干崖面

西陵峽

楊炯詩絕壁聳萬

薄荆之門滔滔南國紀楚都昔全盛高邱垣望祀秦兵
一且侵夷陵火潛起四維不復設關塞良難恃洞庭且
忽馬孟門終已矣自古天地闢流為峽中水行旅相贈
言風濤無極已及余踐斯地環竒信為美江山若有靈
千載仰白起洞在夷陵時傳白起三游洞白居易與弟
知之蘇子瞻三游洞詩一逕遶山翠紫紆似去蛇忽驚
乎○蘇子瞻三游洞詩一逕遶山翠紫紆似去蛇忽驚
溪水急争看洞門呀滑磴攀秋蔓飛橋踏古槎三扉迎
北吹一穴向西斜難息煙雲老追思歲月遐唐人昔未
到古俗此為家○歐陽永叔詩漾檝沂晴川捨舟緣翠
嶺探竒冒層峻因以窮人境弄舟終日愛雲山徒見青
蒼香靄間誰知一室煙霞裏乳竇雲腴凝石髓蒼崖一
徑橫查波翠壁千尋當戶起昔人心賞為誰留人去山
河迹更幽青蘿綠桂何岑寂山鳥嘒嘒不驚客松鳴澗
底自生風月出林間來照席仙境難尋復易迷山回路

轉幾人知惟應洞口春花落流出巖前百丈溪即下穿

溪也○蘇子由詩洞前色徑不容足洞中明曠坐百人

蒼崖碑兀起成柱亂石散列如驚磨清溪百丈下無路

水滿沙上如魚鱗夜深明月出山頂下照洞口纔及唇

沉沉黑若大屋野老構火青如燐平明欲出游上下

洞氣飄亂為橫雲深山大澤亦有是野鳥鳴噪孤熊蹲

三人一去無復見清江在宜都寰宇記云一名夷水東

至今冠蓋長湍門自施州開蠻界流入昔巴蠻五

姓未有君長令各乘土舟約浮者為君惟務相獨浮因

共立之為廩君乃乘土舟從夷水下因立城其傍四姓

臣之青溪唐田遊巖愛夷陵青溪上廬其側高宗親至門

謂曰先生此佳否答曰臣所謂泉石膏肓煙霞

痼疾赤溪在夷陵昔陸抗封步闡自綠羅溪歐陽永叔送

遊東山窺滄茫溪在宜都溪生五色石細紋紅如瑪姜

瑤青如玻璃夏雨過人競探擬

詩溪

在州南○歐陽永叔詩叢林已廢姜祠在事跡難尋楚語訛詩廣漢人故郭璞詩青溪千仞餘中有

一道士借問是何人云是鬼谷子

諸灘

曰青草曰西蛇曰難禁曰三溜曰波曰趨灘曰老翁

曰大蛇曰鹿角曰南西北兩席

硯池

在州南昔郭景純注頭曰上狼尾皆在州西北

水出鳳凰洲

在遠安縣昔令韋臯有美政鳳凰渡集

蝦蟇碕

在夷陵縣之南凡出蜀者

必酌水以淪茗陸羽第其品為第四○唐張又新水記言峽州扇子峽石中突而洩水獨清冷俗謂蝦蟇石其

水煎茶為第一○黃魯直云蝦蟇碕從舟中望之頤頤口吻甚類蝦蟇尋泉源入洞中石氣清寒流泉出石骨

若虬龍吼○蘇子瞻詩蟆背似覆孟蟆頤如偃月謂是月中蟆開口吐月液根源來甚遠百尺蒼崖裂當時龍

破山此水隨龍出入江江水濁猶作深碧色稟受苦清潔獨與凡水隔豈惟煮茶好釀酒應無敵○歐陽永叔

石溜吐陰崖泉聲滿空谷能邀弄泉客繁舸留岩腹井
陰精分月窟水味標茶錄共約試春茅槍旗幾時錄

泉五眼泉

在宜都西三十五里有龍今有祠

堂亭絳雪堂

在州治歐陽永叔集云峽

州署中舊有千葉紅梨花知郡朱郎中始加欄檻命坐
客賦之○公詩云風輕絳雪尊前舞日煖繁香露下聞

四賢堂

在州治二蘇歐黃也

六一堂

在夷陵縣至喜亭

歐陽永叔作亭記云蜀於五代

為僭國以陸為虞以富自足舟車之跡不通於中國者
五十有九年宋受天命一海內四方次第平太祖改元
之三年始平蜀然後蜀之絲枲織文富衣被于天下而
貢輸商旅之往來者陸輦秦鳳水通岷江不絕于萬里
之外岷江之來合蜀衆水出三峽為荆江傾折回直悍
怒開激束之為湍觸之為旋順流之舟頃刻數百里不
及顧視一失毫釐與崖石遇則糜潰漂沒不見蹤跡故
凡蜀之可以充內府供京師而移用乎諸州者皆陸出

而其羨餘不急之物乃下於江若棄之然其為險且不測如此夷陵為州當峽口江出峽始漫為平流故舟人至此者必漚酒再拜相賀以為更生尚書虞部郎官朱公再治是州之三月作至喜亭於江津以為舟者之停留也且誌夫天下之大險至此而平夷以為行人之喜幸夷陵固為下州廩與俸皆薄而僻且遠雖有善政不足為名譽以資進取朱公能不以陋而安之其心喜夫人之去憂患而就簡易詩所謂愷悌君子者矣自公之來歲數大豐因民之餘然後有作惠于往來以館以勞動不違時而人是賴是皆宜書故凡公之佐吏因相與謀而屬筆

天開圖畫

在城東五里雲際院

楚西第一

在州對江普濟院山巔望

夷陵樓臺南紀樓

胡明仲詩西望巫峽峯東望洞庭湖南望大江橫北望楚王墟平時十萬

戶駕瓦百賈區夜半車擊轂差鱗銜舳艫麥麻謾沃衍家家足粳魚又云古來上流地最重荊州符形勢在東

南橫跨楚塞樓在州定許自誠詩雄當蜀道三千里

此其樞楚塞樓魏壓荆南十五州何麟詩但見岑樓

名楚塞不知爾雅臺在州定方輿記郭璞祠廟黃牛廟

元是國西門爾雅臺注爾雅於此臺有廟祠廟黃牛廟

在黃牛峽名靈應廟相傳佐禹治水有功蜀後主建興

初諸葛武侯建祠然三國時西陵建平非蜀土而任清

臣記亦不言日月○歐陽永叔為夷陵令日作黃牛廟

詩曰大川雖有神淫祀亦有俗石馬繫祠門山鴉噪林

木後子瞻跋云嘗聞之於公予昔以西京留守推官為

館閣校勘時同年丁寶臣元珍適來京師夢與予同舟

沂江入一廟中拜詔堂下予班元珍下方拜時像起既

出門見一馬隻耳覺而語予固莫識也已而元珍除峽

州判官余亦貶夷陵令一日與元珍泝峽謁黃牛廟入

門惘然皆夢中所見予為縣令固班元珍下而門外鐫

石為馬缺一耳相視大驚乃名宦張飛先主既定江南

留詩廟中蓋私識其事也

名宦張飛先主既定江南

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

留詩廟中蓋私識其事也

守陸遜領宜都太守許紹為峽州刺史蕭銑圍峽州韋臯為建

安顏真卿代宗時以言祭器不飭元載皇朝歐陽修以

責諫官遂貶峽人物何參夷陵縣人居篤學坊以博學

州夷陵縣令

士郭雍河南府人父忠孝從伊川先生二十年頗得其

之下魚山懼父學之湮沒乃推先志纂前書名賢程頤

乾道初召力辭授冲晦處士有易中庸說

移峽州劉安世為正言論蔡確章子厚張商英以斥蔡

州題詠巫山夾青天李白上三峡題詩曰云云巴水流

朝上黃牛三暮行大遲三閭狹各一葦白居易初入峽

朝又三暮不覺鬢成絲

詩上有萬仞山

方輿勝覽

十三

下有千丈水蒼巖腹有穿壙蘇子瞻出峽忽聞巫峽尾

兩向宣尼古廟宇叢木作幃帳鐵循橫半空俯瞰不計

丈古人誰架構下有不測浪石竇見天因瓦棺非古葬

玉虛悔不至實為舟人誑峽口巴江水司空曙送史申

退思偶成篇聊贈舟人唱峽口巴江水之峽州詩云云

無風浪亦翻兼葭新有雁雲雨不離猿江客思一條白

鄉遠愁人賴酒昏檀郎好聯句莫滯謝家門

練峽中央白居易詩萬丈赤一葉纜通石罅間雍陶峽

崖開盡水回環云云楚客莫出峽朝天第一州劉長源

言山勢險世人心更險于山

史君重啟最高樓蜀江雪浪江轉荆湖第二州張權題

初平處楚國金城欲盡頭

東畔楚西夷陵城闕倚朝雲胡曾詠詩云云戰敗秦師

畔云云

不能西禦
武安君

岡勢元依陸抗城

查篤詩云浪痕自記彭岑壘云云

南標銅

柱北虎牙

王龜齡詩云云天險城邊古西塞

外邑夷陵雖小邑

蘇子瞻至喜亭

詩云云自古控荆吳形勝今無用英雄久已無誰知有

文伯遠謫自王都人去年改堂傾歲歲扶思猶咎

呂感歎亦憐朱舊種孤楠老新霜一橘枯清篇留峽洞

醉墨寫邦圖故老問行客長官今白鬚著書多念慮許

國滅歡娛寄語公知否還須數倒壺

四六

西陵古郡南國上游

荆為重地

遠聯胡嶠

山號虎牙

巴蜀恃為咽喉

據南楚之上游

載惟三峽之偏州

荆楚倚為根柢

壤鄰襄漢當折衝

禦侮之機

雖云僻郡固難要譽以進身

地控東南為深根固蒂之所

然念遠民尤在承流而宣化

杖藜登水榭而揮翰宿春天前稱杜老
漾檝泛晴川而捨舟緣翠嶺後美歐公
公將把麾登至喜之亭熟覽醉翁之迹
僕方杜門繼歸來之賦敢希靖節之風

荆門軍

長林
當陽

建置沿革

星土分野三代以前並同江陵府前漢南
郡有臨沮當陽編都縣皆荆門之地而編

都乃今長林也晉立武寧軍於故編縣其屬有長林
縣隋省入長寧縣屬南郡改長寧為長林唐置基州

後廢屬荊州尋以舊基州之地長林縣立荊門縣屬
江陵府五代朱梁割據為荊門軍皇朝以荊南之荆

門鎮為軍後廢為縣屬江陵元祐間知荆南
唐義問請復為軍從之今領縣二治長林南

事要郡名荆門

春秋時楚地
故曰荆門

風俗冠蓋旁午

朱震惠泉
詩序荆門

控扼要衝 | 于道形勝東帶漢水 朱震鼓角樓記 西控巴峽

滿中行壁記云云扼其咽 南距江陵 張式鼓角樓記 北

抗沮川 晏類 介荆襄之兩間 張師中撰鼓 信荆楚之門

戶 滿中行荆門軍記 垣與襄陽相犬牙 荆門軍 為用武之

國 朱漢圖經序云倚雲夢連巫峽據襄陽 山川荆門山

宜都山記即楚西塞張式 章山 在長林縣九域志云蒙

山 一名破石山在軍城西百餘步兩巒對 屏風山 在長

北三十五里壁立如屏幃絕頂平行中有兩泉紹興間

徙居 **磨劍山** 在長林縣馬鞍山西有 **東山** 去軍城西一里許 **西山**

在城西三里 **靈鷲山** 在長林北舊有寺有穴 **金薄山**

在長林有金 **中城山** 在軍城磨林溪之東觀有 **紫蓋山**

在當陽縣有二峯四垂若織有觀及丹井 **葛立方** 送

舒殿丞詩紫蓋亭亭秀荆渚股分綵水穿林莽尚想當

蛇牙走先主 **綠林山** 元和志在當陽縣東南百二十

此後漢劉元傳諸亡命共攻離鄉聚藏於綠林中 **圓**

臺山 在當陽縣東六十里俗傳唐 **方山** 在當陽北三十

環列 **玉泉山** 山有寒泉過 **左溪** 在長林縣蓋 **蠻水**

在鷄鳴澗北即夷水也桓溫父名彘改曰漳水在當陽

傳江漢沮漳綵水出紫蓋山下建水在郢北金龍潭在

陽北二十五里徽廟井泉南泉出白崖麓之南蒙泉在

西蒙山南曰蒙泉北曰惠泉晝夜兩潮水溢數寸世傳

南出玉北出珠朱震詩序詩人才客臨流濯纓賦詩紀

行徘徊乎清冷之濱而不忍去○沈傳師詩京路馬駸

駸塵勞日向深蒙泉聊息駕可以洗君心○蘇子瞻詩

楚人少井飲地氣常不洩蓄之為惠泉望若有所折○

楊繪詩注一派白謂之雄一派碧謂之雌源有雌雄分

碧白○孫僅詩孤城深鎖亂雲間城上雲開面面山負

郭惠泉誰共訪衛公詩碣綠苔班○歐陽永叔詩淹留

桂樹幾經春野鳥岩花識使君使惠泉在荆門○蘇子

君今是尊前客誰與山泉作主人

方輿勝覽

來山下長溪發油然本無營誰使自激烈茫茫九地底
大水浮一葉使水皆為泉地已不勝洩應自衆水中獨

不容至潔涓涓自傾瀉奕奕見清澈石泓淨無塵中有
三尺雪下為百丈溪冷不受魚鱉脫衣浣中流解我雙

足熱樂哉泉上亭榭湖北道院治在郡荆岑偉觀治在郡潛
翁大旱不知渴

玉亭有美玉信矣○李衛公詩明珠雖秘彩美玉詎藏
在蒙山亭序云有卞氏抱玉亭在疆內則此山之

珍寒亭在玉泉山人多題詩獨一篇云朔風凜凜雪漫
漫未是寒亭分外寒六月火雲天不雨請君來

此凭佛寺玉泉寺在當陽縣西南二十里玉泉山陳光
攔干佛寺

山寺雄於一方殿前有金龜池○玉泉詩序山水之名
勝甲天下張曲江孟浩然輩嘗託於詩以寫其勝

宦皇朝陸九淵為守號人物皇朝胡安國有故居在題
象山

詠策馬傍荆岑

張九齡詩指途躋楚望云云

荆門蔽三巴

孟浩然詩云云塵

土荆門路

劉禹錫歌云飛煙紀南城云云天寒多獵騎走上樊姬墓

春水月峽來

李白

荆門浮舟望蜀江詩云云浮舟望安極正見桃花流依然錦江色

玉馬朝周從此辭

錫復梁宣明二帝陵詩云云園林寂寞對豐碑千行宰樹荆門道暮雨瀟瀟聞子規

宋臺梁館尚

依依

劉禹錫荆門道中南國山川舊帝畿云云

霜落荆門江樹空

李白秋下荆門詩云

云布帆無恙掛秋風

斜分漢水橫湘水

王建作詩云云山青水綠荆門間

土風南

去接荆蠻

孫僅送岳州舒殿丞詩江路北來通漢水云云

看炊紅米煮白魚

王建

荆門行峴亭西頭路多曲櫟林深深石簇簇云云夜向灘頭店家宿

楚俗歲時多雜鬼

永叔詩春山四顧亂無涯雞犬蕭
條數百家云云蠻風言語不通華

四六

疏思魏闕
紆紆荆門

擁江帶漢
控蜀接淮

有嚴要害之防
兼制剽輕之俗

是為要地乃古人交戰之場
雖曰小邦實今日必爭之地

千里分疆守險壯經綸之旅
五方雜處受塵多鴻雁之民
其在荆襄實相依於唇齒
若論巴蜀亦有係于襟喉
廢而為邑賦租徧而當不優
陞以作邦保鄣要衝而當守

方輿勝覽卷二十九

欽定四庫全書

方輿勝覽卷三十

宋 祝穆 撰

常德府

武陵 龍陽

桃源 沅江

建置沿革

禹貢荊州之域星土為翼軫鶉尾之次殷周為蠻蠻所居春秋戰國時屬楚秦為黔

中郡漢更武陵郡唐因之復為朗州昭宗置武勝軍節

度後唐為武平郡國朝祥符避聖祖諱改鼎州陞永安軍改靖康軍陞武平軍節度乾道以孝宗潛却陞

為常德府今領縣四治武陵

事要即名古鼎

舊名鼎以神鼎出于此故名

武陵

晉書潘京一守壽人辟主簿太守

問曰貴郡何以名武陵京曰本名義陵在辰陽縣界與夷獠相接先武移東山遂得完共議易號傳曰止戈為

武詩注高平曰義陵初項羽殺義帝於柳武陵人縞素陵於是名焉哭於招屈亭高帝聞而義之故曰

一常武詩序有常德風俗人氣和柔伍安貧武陵記云

以黃老自樂有信鬼而好巫邑屈原九歌云昔楚南郢之虞夏之遺風

必作樂鼓舞以漁獵山伐為業西漢地理形勝東抵洞

庭樓圖南奏狀云右控五溪郡志云沅湘之濱劉禹錫為

上杜司徒求澧陽曰云云寒古黔中地郡志在昔黔中

暑一侯陽雁不到華言罕聞為楚之南字左

包洞庭之險右控五溪之要秦以虎狼之威志在吞楚

而必欲得楚之黔中故楚由是衰武陵實黔中郡也

故郢之裔邑

劉禹錫楚望賦武陵乃張若之遺址志在

州東五十步初秦昭王使白起伐楚張若築桃源八景

如桃川仙隱白馬雪濤綠蘿晴畫梅溪煙雨尋陽古提

寺楚山春晚沅江夜月童坊曉渡亦一方之佳致也

舉五州兵馬乾道九年府守樓圖南奏本府東抵洞庭

乞依舊盜賊節推魚提舉山川柱山嘉中武陵大水

善德山在武陵縣東九里此山本名柱山開皇中刺史

樊子蓋以善卷嘗武山山半有盤馭石水梁山在武陵

居此名善德山出謂之武陵溪梁山在武陵

方輿勝覽

二

此故以桃源山在宮西南一里即桃源洞云是昔秦人避

亂之地有洞如門巨石屏蔽靈跡猶存有水自中流出

涓涓不絕○陶潛桃花源記云晉太元中武陵人捕魚

為業沿溪行忽逢桃花夾岸芳華鮮美落英繽紛漁人

異之前行盡水源便得一山有小口捨舟從口入豁然

開朗屋舍儼然有良田美池桑竹之屬男女衣著悉如

外人黃髮垂髻見漁人驚問還家設酒殺雞作食自云

先世避秦時亂來此問今是何世乃不知有漢無論魏

晉停數日辭去得其舡便扶向路處處誌之及郡下詣

太守說如此太守即遣人隨其往迷不復得路後遂

無問津者○任安貧武陵記晉太康中武陵漁人黃

道真泛舟自沅泝流而入道真既出白太守劉歆歆與

俱往則已迷路與陶記略同○李白尋桃源序水引漁

者花藏仙溪春風不知從來落英何許流出三十六洞

別為一天耶○陶潛叙桃源事初無神仙之說梁任安

貧為武陵記亦祖述其語耳後人不深考因謂秦人至
晉猶不死遂以為地仙洪駒父云介甫桃源行子瞻和
桃源詩皆得之王摩詰韓退之劉夢得諸人以為神仙
皆非是○陶潛詩嬴氏亂天紀賢者避其世黃綺之商
山伊人亦云逝往迹寢復湮來區遂蕪廢相命肆農耕
日入從所憩桑竹垂餘蔭菽稷隨時藝春蠶收長絲秋
熟靡王稅荒路曠交通雞犬互鳴吠俎豆猶古法衣裳
無新製童孺縱行歌班白觀游詣草榮識節和木衰知
風厲雖無紀歷誌四時自成歲怡然有餘樂于何勞智
慧竒蹤隱五百一朝敬神界淳薄既異源旋復還幽蔽
借問遊方士馬測塵囂外願言躡輕風高舉尋吾契○
子瞻和陶淵明詩凡聖無異居清濁共此世心閒偶自
見念起忽已逝欲知真一處要使六用廢桃源信不遠
藜杖可小憩躬耕任地力絕學抱天藝臂難有時鳴尻
駕無可稅苓龜亦晨吸狗祀或夜吠耘樵得甘芳齧
謝炮製子驥雖形隔淵明已心詣高山不難越淺水何

足屬不知我仇池高舉復幾歲從來一生死近又等癡
慧蒲澗安期境唯廣羅浮稚川界夢往從之游神交發
吾蔽桃花滿庭下流水在戶外却笑逃秦人有畏非真
契○韓愈桃源圖行神仙有無何渺茫桃源之說誠荒
唐流水盤迴山百轉生綃數幅垂中堂武陵太守好事
者題封遠寄南宮下南宮先生忻得之波濤入筆驅文
辭文工畫妙各臻極異境恍惚移於斯架巖鑿谷開宮
室接屋連牆千萬日羸顛劉蹶了不聞地坼天分非所
恤種桃處處惟開花川原遠近蒸紅霞初來猶自念鄉
邑歲久此地還成家漁舟之子來何所物色相猜更問
語大蛇中斷喪前王羣馬南渡開新主聽終辭絕共悽
然自說經今六百年當時萬事皆眼見不知幾許猶流
傳爭持酒食來相餽禮數不聞尊俎異月明伴宿玉堂
空骨冷魂清無夢寐夜半金雞啁晰鳴火輪飛出客心
驚人間有累不可住依然離別難為情船開棹進一
顧萬里蒼蒼煙水暮世俗寧知偽與真至今傳者武陵

人○王介甫詩望夷宮中鹿為馬秦人半死長城下避
世不獨高山翁亦有桃源種桃者一來種桃不計春採
花食實枝為薪兒孫生長與世隔知有父子無君臣漁
郎放舟迷遠近花間忽見驚相問世上空知古有秦山
中豈料今為晉聞道長安吹戰塵春風回首亦沾巾重
華一去無消息天下紛紛經幾秦○劉商詩桃花流出
武陵洞夢想仙家雲樹春今看水入洞中去却是桃源
洞裏人○古汴高士詩山前溪是當時水源上桃非舊
日花多是黃郎露消息洞門從此鎖桃花○劉禹錫桃
源行漁舟向招招浮在武陵水拖綸擲餌信流去誤入
桃源行數里清源尋盡花絲絲踏花覓徑至洞前洞門
蒼黑煙霧生暗行數步逢虛明俗人毛骨驚仙子爭來
致詞何至此須臾皆破冰雪顏笑言委曲問世間因嗟
隱身來種玉不知人世如風燭筵羞石髓勸客餐燈熱
松脂留客宿雞聲犬聲遙相聞曉光蔥蘢開五雲漁人
振衣起出戶滿庭無路花紛紛翻然恐失鄉縣處一息

不肯桃源住桃源滿溪水似鏡塵心如垢洗不去仙家
一出尋無蹤至今流水山重重○王維桃源行時九漁
舟逐水愛山春兩岸桃花夾古津坐看紅樹不知遠行
盡清溪忽值人山口潛行始隈隩山開曠望旋平陸遙
看一處攢雲樹近入千家散花竹樵客初傳漢姓名居
人未改秦衣服居人共住武陵源還從物外起田園月
明松下房櫺靜日出雲中雞犬喧驚聞俗客爭來集競
引還家問都邑平明閭巷掃花開薄暮漁樵乘水入初
因避地去人間及至成仙去不還峽裏誰知有人事世
上遙望空雲山不疑靈境難聞見塵心未盡思鄉縣出
洞無論隔山水辭家終擬入山深清溪幾度過舊不迷安
知峰壑今來變當時只記入山深清溪幾度過舊不迷安
來遍是桃花水不辨仙源何處尋○漁隱叢話載子瞻
云世傳桃源事多過其實淵明所記止言先世避秦來
此則漁人所見似是其子孫非秦人不死者也又云殺
雞作黍豈有仙而殺者乎使太守得而至焉則已化為

爭奪之綠蘿山在桃源縣南下有潭聞山在武陵縣西百四十里

道真在此山釣魚見桃白馬洞第三十樊坡在武陵縣

花源即陶潛所記是也按盛弘之經云李衡字平叔仕

里後漢一重隱於橘洲在龍陽縣北五十里周回三里

此有肥田數千畝吳為丹陽太守每欲理產業妻習氏不許衡密遣人於

武陵龍陽汎洲種橘千株臨終謂其子曰汝毋惡吾營

家故貧如此吾於汎洲種橘乃千頭木奴不費汝衣食

太史言江陵千株其人與千戶侯等蓋謂此也今

上民數百家玉帶河門四字熙寧中有神仙海蟾翁劉

橘不存矣玉帶河乃武陵郡一條玉帶也他年必

易遊斗門曰此秀水河之武陵郡一條玉帶也他年必

有繫玉帶之人故又謂之玉帶熙寧中章子厚來

平辰州蠻寄居張待制顏為章條畫蠻事及章歸延溪

朝起復張充東南發運使仍昇以白玉帶一條

方輿勝覽

五一

寰宇記云在武陵縣有柘樹千餘頭枝條茂暢昔有鳥集其上枝下垂著地鳥去枝偶振折羣鳥號嘯楚人取

其枝為弓
名曰烏號
武陵溪
亦名德勝泉
五溪
定黔中據城以

阮一鄴道元水經注武陵有五溪謂之雄溪橘溪朗水武

陵縣其水西南自辰錦州入郡界經郢城沅水經武陵

入大江謂之江漢書何邨所封於此
步枉水
出武陵縣南蒼山名曰枉渚善卷所居時人號

芷水
即沅水之別派其兩岸多生杜
西水
在龍陽縣東

志云武陵郡
滄浪水
在龍陽縣二十里浪水與滄水合

西二水合流禹貢又東為一
鼎口
寰宇記云在武陵縣

一之乃漁父濯纓之處

二江最深之處尤多魚按朗陵
地圖云昔有神鼎出乎其間
井泉菜公泉在武陵縣北六十里

皇朝類苑云鼎州甘泉寺介官道之側始寇菜公南遷
日題于東楹曰平仲酌泉經此回望北闕黯然而去未

幾丁晉公又過之題於西楹曰謂之酌泉禮佛而去後
范諷留詩於寺曰平仲酌泉回北望謂之禮佛向南行

煙嵐翠鎖門前路轉使高僧厭寵榮詩牌猶存○崔嶧
詩云二相南行至道初記名留詠在精廬甘泉不洗天

涯恨留與行人鑒覆車○淳熙
亭榭招屈亭在城南相

夫以五月五日由黔中投汨羅土人以舟救
之為何由得渡湖之歌其名咸呼云何在
佛寺甘泉

寺塵史云在武陵縣北二十里許有
止馬寇菜公往雷州凡題三十
字曰庚申年秋九月

平仲南行至甘泉院僧以詩板視之征途不暇吟詠代
記年月後丁晉公謫朱崖過寺留題云翠影人疎度波

光瑟瑟凝帝家金掌露仙暑玉壺冰曉井侵星汲宵厨
向月澄豈惟蠲肺渴濯頂助三乘因而至寺下者多所

賦祠墓伏波祠劉禹錫詩蒙蒙篁竹下有路上安義王

廟在武陵縣之梁山即梁松也○劉禹錫陽山廟春申
觀賽神詩漢家都尉始征蠻血食于今配此山

君墓在開元寺一坊即其故宅○杜牧詩烈士思酬
國士恩春申誰與快幽魂三千賓客總珠履欲使

何人殺古跡采菱城在桃源縣武陵記云其湖產菱殼
李園

有亭張顛墨池龍陽淨照寺有小池名宦馬援征五溪
乃張旭學書于此

諛能辟瘴而食之其後載數車還有李翱字習之為朗
以援所載皆文犀鬚珠也

文集在劉禹錫居朗州十五年惟以文章吟咏陶治情
即齋性作為新詞以教巫祝故武陵溪洞間

郎齋性作為新詞以教巫祝故武陵溪洞間

夷歌多禹
錫之詞
黃蓋
吳人為武陵太守擊蠻有功
劉伯寵
為太皇朝薛居

正國初平湖湘以居正知朗州有亡卒數千為盜監軍使疑城中釋子為應砍盡殺之居正以計緩其事因

擒賊首汪端詰之乃知釋唐介嘗為武陵尉人物善卷子千數無與謀者咸得免唐介繼為沅江今

武陵縣東一十五里柱山之上有壇按南華真經云舜以天下遜於善卷曰余道遠於天地之間而心意

自得吾何以天下為哉遂不受而去古傳一隱此山後人為之立觀國朝政和間訪天下道跡賜號曰遁世

高踏先生郡守李燾嘗為壇記○劉禹錫詩曰先生見堯心相與去九有斯民說已治我得安林藪道為自然

福名是無窮壽瑤壇伍安貧梁朝漢壽人皇朝管師復在此山識者嘗迴首

自號白雲先生又弟師常齊名號二管陳柳拱辰其先公襄以公與伊川經明行修存為學官

人五季避地荆楚為武陵之青陵人年六十即有掛冠之志創亭於青陵館名橋曰歸老南豐曾鞏為之記

題詠百雉俯清沅

劉禹錫詩西漢開支郡南朝號戚藩四封當列宿云云茗圻蒼溪秀巖生

枉渚

李衡墟落存

前人沈約臺榭故云云

西南奠遐服

劉禹錫馬錯故城

詩將軍將秦師云云故壘清江上蒼煙晦喬木楚塞鬱重壘蠻溪紛詰曲蠻陬相犬牙

劉禹錫登

武陵城詩星象承鳥翼云云

十見蠻江白芷生

劉禹錫酬朗州

崔員外昔日居鄰招屈亭楓林橘樹鷓鴣聲一辭御苑青門路云云

百姓縣前挽魚罟

劉禹

錫龍陽歌縣前白日無塵土云云

武陵控扼五溪徭

皇朝大觀初楊川詩云云路入京城

萬國朝石櫃雄排抗水勢浮圓高聳接雲霄

四六

光奉渙恩
出臨常武

潛龍舊邸
分虎新綸

剖竹新疆
種桃遺俗

總提列戍
彈壓五溪

報武陵之善政
賦仙洞之新篇

惟今南楚之上游
式據重湖之舊壤

左連川蜀舟車之衝
右控辰沅溪洞之險

雲蒸秦洞之桃
香泛沅川之芷

眷今股肱之名郡
為古神仙之舊游

利兵堅甲蕪制五州
大轟高牙長雄千里

挹江芷之香風
酌溪桃之流水

青草洞庭無復鯨鯢之為患
桃花流水又皆鷄犬之相聞

專城剖竹雖遠
流水種桃乃幸

農桑千里劇談太守之風流
雞犬萬家依舊仙源之和樂

澧州

澧陽安鄉
石門慈利

建置沿革

禹貢荊州之域為翼軫鷄尾之次春秋戰
國皆屬楚秦屬黔中即漢改為武陵郡屬

荊州今州理即漢武陵之零陽縣地吳立天門郡晉
置南平郡及南義陽郡陳廢郡置松州尋改澧州以

州在澧水之北故以為名仍廢天門郡為石門縣尋改澧陽郡唐改澧陽郡復為澧州國朝因之今領縣

四治澧陽

事要郡名澧陽

涪陽

見屈原離騷

風俗有屈原之遺風

元微

之行澧州刺史制澧旁荆之劇郡沅湘沉怨柳激云云

南州美莫如澧

柳宗元送南涪州移

澧州序自漢而一

風俗夷獠

唐戎昱頌水陸吳楚云

形勝東接洞

庭樓大防澧陽樓記云云西連施黔

右接巫峽

陳相之郡守題名記左界洞庭云云衡岳峙其

前漢沔荆峴帶其後

彭阜聳其西

圖經云云藥山列其東蘭江前陳仙州外蔽所謂神仙窟宅也

江陵在其北

樓大防澧陽樓記武陵在其南云云湖廣之孔道

倚連崗以起伏

唐戎昱新城云云面長江以演漾登荆之近庸州云云

觀則山川在目雄鎮則黔巫可航

國之山川彭山一廟碑曰崇山連天外界越雋岡阜

南屏野屹瞰郡治並為一蔡山在澧陽縣南八大浮山在澧

西南一百三十五里圖經載石門縣亦有浮山以崇山

為浮邱先生學道之所蓋浮山濶遠跨據數縣也

輿地廣記云昔黃山在安鄉縣北六十里有謝晦廟南

舜放驩堯於此

天門山在慈利縣寰宇記云古嵩梁山也有十六峯相

門之兩向有竹罄折垂地搖拂無塵人謂天帚○圖經

慈利縣亦有一五代有道之士周朴有題天門十

六峰赤松山在慈利縣天門山相對者老相傳以為赤

詩松子隱遁之鄉舊有赤松庵而上下數十

里號赤城村 **長嘯峰** 僧惟儼禪夜登山見雲開月現 **花石** 在

利縣武口寨石上自然有花如牡丹之狀枝葉繚繞雖精於畫者莫能及或以物擊其花應手而碎既拂

拭之其花復見重 **蘭江** 楚詞云捐余珮兮澧浦因稱 **汝**

豐非一莫不異之 **雙溪** 在慈利縣前

溪 寰宇記在澧陽縣源出龍山極清昔 **雙溪** 在慈利

後江合流之口有芙蓉洲 **澧水** 在澧陽縣南六十步

至菱花渡今為一邑之勝 **澧水** 在澧陽縣南六十步

浦 澧水 在澧陽縣東二十里 **井泉** 唐人有銘

池館明月池 在郡圃東李羣 **八桂堂** 在州治胡明仲記

桂生八幹 **譙門** 延平羅荐可為守日建 **胡明仲** 為記

故名之 **譙門** 云古之為城也非曰必可恃也其為門

也非曰必可鍵也蓋立制度焉耳苟得民心雖畫地而
守植表而限效死者莫肯去冒死者不能入不然崇城
到天嚴扉重閉金鋪而銅環鐵扇而石闕無以內固民
心至於內携而外叛曾不若折柳之樊吾圃也澧陽舊
苦衆溪羨溢歲築隄防然後郊與市咸得奠厥居歲在
己酉南盜南騫有守者闕隄名水以自保賊既引去城
亦隨陷他日立郡於荆榛瓦礫中天水時至沈灶產龜
稚耄病之太守羅侯下車訪民疾苦莫先斯事即帥百
姓修缺補壞乃作譙門徇民之欲闕內外謹闔開置壺
箭以謹時棲鼓角以警軍匠則庸工役則鳩兵材則斬
浮屠氏之山泛流以來
未幾告成而民不與焉

古跡隋朝栢

在石門○范希文
詩百尺參天隋代

栢可憐終范公讀書堂

在安鄉縣范希文幼孤從母歸
朱氏來宰安鄉與俱來讀書此

地名彭思王

諱元則高祖之子嘗為刺
史民懷其惠至今祠之

李泌

字長源
大歷中

為澧州刺史更築新城澧州杜悰以駙馬都尉人物申鳴

人德而歌之戎昱為之頌杜悰為澧州刺史

劉向新序曰楚士一孝聞王之忠臣也何以得全身

鳴曰始吾父之孝子也今吾君之忠臣也何以得全身

遂殺白公其父亦死王白善將軍白公勝之族為楚將

欲賞之鳴遂自殺云白善將軍白公勝之族為楚將

之將軍曰從子而亂其國則不義於君背子而發其私

則不仁於族遂棄其祿築圃灌園以終其身人名之曰

地在州東藥園寺其車武子博學不倦家貧不常得油

夏紀詠張俞有車湖詩云憶昔車公居此地遺黎繚繞

臨清淵惜哉斷石文尚在野老不識投波瀾自為之注

云武子墓下得碑其文尚存田父斷李羣玉裴休入相

而沉之江則武子及墓昏在車湖上李羣玉以詩荐之

遂授校題詠上有清使君唐戎昱作李泌新城涪陽兮

書郎頌云云下有清江流

極浦

庾信哀江南賦云

雄風吞七澤

劉禹錫詩云云異產控三巴秋原被蘭蘂春渚長桃

花

夷音語嘲哢

白居易詩云云蠻態舞睚眦

水市通關

前人詩云云煙林混

舳舻吏征魚戶稅

前人詩云云人納火田租謂冠漢南州

樓鑰忠以申鳴著學首車

公優外挹蘭溪水下俯仙明洲讀書記羣玉採藥思浮邱况得子厚語云云

蘭浦蒼蒼春欲

暮杜牧之詩云落花流水動離襟

澧水店頭春盡日

白居易詩云云送君馬上適通

川鄰境諸侯同舍郎

劉禹錫詩云云芝

江蘭浦恨無梁

香新賜魚書墨未乾

劉禹錫寄澧州元郎中詩云云賢人暫屈遠人安朝驅行旆頒時令

夜見星辰憶舊官梅蘂覆階鈴閣暖雪峯當戶

一話涔

戰枝寒寧知楚客思公子北望長吟澧有蘭

方輿勝覽

十一

陽舊使君

杜牧詩云云
澧州驛寄京兆韋尹

四六

紆紉蘭江

湖右名州

澧浦小邦

魚腥膻

訪丈正之遺祠每懷賢德
讀致堂之壁記當固民心

士風甚陋地頗近於風寒
郡計未優財尤難於天雨

夸漢南之美州更陳柳序
眷涪陽之極浦備著楚騷

辰州

沅陵 盧溪 淑浦

建置沿革

古蠻荆地槃瓠之後楚地翼軫分野春秋
屬楚秦置黔中郡漢置武陵郡屬荆州而

沅陵辰陽酉陽義陵皆以水得名東漢屬武陵郡
國時或吳或蜀自晉及宋齊並為武陵郡地隋改為

辰州取辰溪為名煬帝改為沅陵郡唐復置辰州
皇改盧溪郡復為辰州皇朝熙寧中章子厚置沅州

割辰之麻陽招諭二縣以
隸馬今領縣四治沅陵

事要郡名酉陽

得水辰陽郡在辰水

風俗頗雜徭俗

郡縣志夷獠雜居其處城市者衣服

裔出蠻瓠

同蓋

言語皆華人而山谷間

一五溪蠻是也漢建武二十

三年精夫相單程等叛劉高擊之為所敗復遣伏波將

軍馬援馬武等擊破之始乞降本朝太祖既下荆湖有

辰州徭人秦再雄者身長七尺武健多謀歷山飛壑捷

如猿猴及至闕下除為辰州刺史官其一子使自辟吏

屬盡與一州租田蠻徭遂昏向化○大抵蠻徭種類松

狃不一挾山阻谷依林積木以為之居人迹罕至椎髻
跌足登走巖險如履平地言語侏儻衣服編爛畏鬼神
喜淫祀刻木為契不能居長持弓挾板竹覆屋圖經云
矢匿草射人復讐報怨視死如歸

治屋宇五溪俗誇辰州閩屋今連夔接棟皆覆以板竹意古今貧富有不同也
風土記曰辰沅靖三州朝廷非有望其賦入也往時本
路轉運使每歲于鼎州撥支錢七萬貫絹二千五百疋
絀四百疋布五百疋綿一萬兩荆門軍撥絹一千匹以此
澧州撥絹一千疋綿一萬兩荆門軍撥絹一千匹以此
當一歲之計而沅靖所入亦稱是故兵廩贍給足以控
制自紹興初湖盜踵相竊發之後而辰之歲計不行支
撥止於鼎州支錢四千五百貫自是官兵俸給日窘至
隆興初守臣徐彭年有請于朝歲添給二千緡終未嘗
少紓其形勝內控諸蠻咽喉辰州風土記云大抵辰當
窟也
內可以控諸蠻而外為武陵障蔽諸蠻不由此則商販
不通武陵不得此則諸蠻不通雖欲高枕而卧不可得
也
非古夜郎貞觀八年以龍標置叙州析其地為夜郎
縣九年省以唐志考之獎州二峩山渭溪

皆夜郎更名則龍標夜郎不隸辰久矣唐五溪十洞寰宇

志按沅陵記云云頗為邊患自馬伏波征土產翰實布

南之後雜為郡縣其民叛擾蓋恃險所致

古者蠻夷無稅漢興辰砂不出於辰唐以麻陽縣及開

始以口計賦辰砂辰砂不出於辰唐以麻陽縣及開

山洞為錦州今隸沅州不屬辰也其地產丹砂而砂井

之名有九皆在搖獠窟穴之中而錦之舊城猶在馬遇

歲寒獠以薪竹燔火爆石以取之時出與山川光明山

土人貿易不知者以辰砂為辰所出也

在沅陵縣一名龍門山有砂井土人壺頭山在沅陵縣

採取入井把火行二里燒石取之

寰宇記云後漢馬援征蠻穿山為室以避炎

氣武陵記曰山邊有石窟即援所居石室也

明月山在沅陵縣

陵縣東百三十里山下有明月池

芋山寰宇記在沅陵

兩岸素崖若被雪寒松如插翠

方輿勝覽

十三

兩斛大食之終身
不饑今民取之
葱山寰宇記在沅陵縣有孤山岩石上有葱如人植人往取輒絕禱

神而求不拔自出
武陵記謂之葱嶺
武山在盧溪縣西百八十里後漢書南蠻傳云昔高辛氏有犬戎之

寇帝患其侵暴而征伐不克乃訪募天下有能得犬戎
之將吳將軍者賜黃金千鎰邑萬家又妻以少女有畜

狗其毛五彩名曰槃瓠下令之後槃瓠俄啣人頭詣闕
下羣臣怪而診之乃吳將軍首也帝大喜且謂槃瓠不

可妻之以女又無封爵之道議欲報之而未知所宜女
聞以為皇帝下令不可違信因請行帝不得已以女配

槃瓠瓠得女負而走入南山石室中險絕人跡不至經
三年生六男六女槃瓠死後因自夫妻好色衣服製裁

皆有尾其母後歸以狀白帝於是使迎諸子衣裳爛斑
言語侏離好入山聲不樂平曠帝順其意賜以名山廣

澤其後滋蔓號曰蠻夷今長沙武陵蠻是也武山本作
濩其五溪之一唐章懷太子注後漢云在今辰州之盧

溪小西山又名烏連山在酉溪口方輿記云山下有石

王謂訪酉陽之逸典是也者舊相傳堯時善卷唐張果

老皆嘗隱居于此又名為大酉華妙洞天或云自酉溪

西北百餘五城山在辰溪縣東南三百六十里武陵記

里有洞無時山坤元錄云在淑浦縣西北三百五十里此

造此五溪水經云武陵有五溪謂雄溪橘溪酉溪瀟溪辰

和郡縣志亦曰武溪在盧溪縣善類錄曰馬援門生善

其曲曰滔滔武溪深復深鳥飛不能辰溪即五溪

渡獸遊不能臨哉武溪多毒淫辰溪即五溪

在沅陵縣盧水在盧溪縣西二百五十里即武溪所出

西南五里唐王昌齡作瑩篔引云盧溪郡南夜

泊舟夜聞兩
岸羌戎謳
淑浦在淑浦縣出鄜梁山祠墓善菴先生墓見莊周書有墓

在辰溪縣西南龍溪
觀本朝封瑩五祠
古跡銅柱銘在會溪城一里天福五年漢州刺史彭士

狄納士求盟楚王馬希範請于朝以立之學士李皇為
銘○胡曾銅柱詩云一柱高標險塞垣南蠻不敢犯中

原功成自合分茅土
何事翻啣蕙苒窵
名宦宋均為辰陽長其俗少學者

絕淫
皇朝張綸辰州溪洞蠻寇邊以綸知辰州賊遁去

與之盟刻邵隆繫年錄云紹興中在商州披荆棘立官

石于境上
名賢段成式唐人著酉陽書數十篇皇朝王庭珪胡銓鄉人

州知辰
以詩送之曰癡兒不了公家事男子要為天下奇又題
云百辟動容觀奏牘幾人回首愧朝班得責辰州居

詠夕宿辰陽

離騷朝發枉渚云云

山留槃瓠迹

晏類要云云洞有秦人書

草市

人朝醉

陶弼云云畬田火夜明瀧江入地馮棧道出雲行

蠻帥引旌旗

韓翃送辰州李

中丞詩巴人迎道路云云

入溱浦而遭回

離騷云云

一曲清溪一曲山

陶弼

題白霧壁云飛魚躍白雲閑

採金人簇青莎岸

陶弼詩詔條符節古連今王澤漸濡

豈不深賦役未行中國法謳歌猶帶遠夷音云云射虎兵圍黃葉林寄語湖頭灘上客預將忠信待浮沉

四六

分出竹辰陽

湖右名區辰陽小即

被剖竹之新榮訪佩蘭之幽致

一札十行寵被循良之選五溪十洞往宣彈壓之威

朱旛皂蓋肯臨竹屋之蕭條丹詔紫泥即覲楓宸之嚴邃

言語侏儻俗尚遺於蠻貊威聲赫奕政當效於伏波

卷三十
衝蠻煙瘴雨於千嶂之間僕宜久處
揖光風霽月於九霄之上公亦肯來

方輿勝覽卷三十

欽定四庫全書

方輿勝覽卷三十一

宋 祝穆 撰

沅州

廬陽 黔陽

麻陽

建置沿革

鷄尾楚分春秋元命苞曰軫星散為荊州昔秦昭王使白起侵楚取蠻夷地為黔中

郡漢高帝改為武陵郡屬舞陽地武帝置牂牁郡屬

益州梁置沅陵郡隋以郡為陝州唐析辰溪置麻陽

縣以龍標置巫州更曰沅州復為巫州為潭陽郡又

更巫州為叙州本朝熙寧命章子厚收復其地置沅

州今領縣

三治廬陽

事要郡名沅陵

潭陽

風俗槃瓠之後

隋地理志嗜好居處頗與

巴渝同俗本承一一一服章多以斑布為飾俗好巫

鬼西漢南夷傳地江山風物之所蕩劉禹錫集及謫于沅湘間為云云往

往指事成歌詩形勝狎犸武陵之交圖經四塞重阻隋地溪山

阻絕郡縣志云云山川明山郡主山也尚巒重複朝挹

武陽山郡國志龍標武陽山有仙人每土人聚即來入

死唯以杉木為刀辰山在麻包茅山在麻陽西南三百

上有三脊茅可以縮酒寰宇記云即楚國入貢之茅九疊山山勢盤紆九峯相次

若董圖之狀太谷洞在黔陽去州三十三里芙蓉江自

湖南蓋唐之**雄溪**郡志即渠河潭江沅江及沅州等會
芙蓉縣溪也衆水入于此江九溪之中昔所謂一

也江**九溪**曰郎曰澗曰雄曰辰曰龍曰叙
曰武曰柱曰酉而雄其一也**鑿字溪**元豐
癸亥

通道于廣西溪旁得古碑乃唐文視中遣將王思齊率
甲兵征蠻過此山路危險負舟而濟刻石以記歲月而

夷人以為一一今分**龍溪**在鎮江寨界今
入廣西界作零溪堡謂之龍門溪**沅水**在黔

澗水在盧陽新經曰巫無澗灑
舞一水而五名聲之變耳**名宦王昌齡**新唐書王
昌齡江寧

人為詩縝密而清新自江**皇朝章子厚**為湖北常平使
寧縣丞貶為龍標縣尉者收復沅州夜

築城西偏一面比曉而畢東南北三面三日而成○東
臯雜錄子厚於熙寧間奉詔城沅州時陶弼知辰州贈

詩云善戰無如新息侯漢兵纜渡綠蘿洲愛君挽我陶
溪粟直到牂牁水口頭今有詩在洪江寨正與牂牁水

相王憲之

政和間黃安俊叛死
于賊邦人為立祠

汪長源

靖康間為州太守
集修戰具禦

寇退曹題詠人臨沅水望

釋無可送沅江宋明府環之任
祁聞從事日鄂渚動芳菲一遂

鈞衡薦今為長吏歸云云雁映楚
山飛唯有傳聲政家風重發揮

沅有芷兮澧有蘭

楚詞

云云思公子
兮未敢言

聞說龍標過五溪

唐王昌齡嘗尉是邑李
白以詩送之云楊花落

盡子規啼云云我寄愁心與明月隨君直到夜郎西注
云龍標在古夜郎東南今之辰溪縣乃隋之夜郎此云

西者以隋地
理志言之也

州符就領五蠻溪

陶弼詩云使介直登雙
御闕云云爭雄白鵲臨

崖鬪憶子玄
猿遶湖啼

淑浦潭陽隔楚山

王昌齡
送別詩

十萬屯田古未

耕陶弼寄新沅守謝麟詩險盡天開溪路平詩書新將
典新城三千戍卒今無幾云云屬縣乞除防虎檻生

蠻願獻
採砂坑

四六

拜恩宸陸

肅擁州麾

地近狎柯

撫摩以惠

往鎮蠻溪

遠臨蠻徼

種遺槃瓠

彈壓以威

香溢沅江之芷宜入詠歌

山深溪阻雖蠻俗之雜居

陰濃召國之棠更覃惠愛

地僻人稀亦土風之素朴

朱轄地重敢論五馬之榮

雖喜則人怒則獸性固靡常

畫戟兵森聊化九溪之俗

然賣爾劍買爾牛化之亦易

靖州 永平

通道

會同

建置沿革

鵝尾楚分野春秋為荊州秦置黔中郡漢

唐為夷播叙二州之境後周時節度使周行逢死叙

州刺史鍾存志奔武陽而楊正巖以十洞稱徽誠二

州皇朝十洞酋長楊通蘊送款內附楊通寶來貢朝

建以通寶為誠州刺史其子璵復為誠州刺史又詔

方輿勝覽

三

於武岡之西作城在河渠之陽為誠州廢為渠陽軍
尋廢為寨隸沅州復置誠州改為靖州蓋自崇寧再

歸職方今領
縣三治永平

事要郡名渠陽

見沿風俗槃瓠餘種
今尚有狝狨玃獠

之號其計歲月率以甲子其要約以木鐵為契其樂器
有愁笛壺笙其兵器與中國等東通于邵南通于融壯

通于沅風不惡
魏華父與人書靖為天下窮處其叢陋
又在峽郡下而

歲豐則物形勝漢牂牁武溪之間
圖經與蠻壤相犬
賤如土

牙汪彥章靖州營造記云初夷人散居溪谷間各為酋
長及上版圖職方氏為王民與彼之山川壤比疆連

犬牙相入也歲久聲教所覃去推髻之俗而飾冠山川
中轉侏僂之音而通字畫奉官吏約束一如中州

飛山

在州北十五里比諸山為最高四面絕壁千仞

九疊

注見沅州

福湖山

在州南四十里

通道縣北之諸山窳為蒼翠元豐通道廣西出是山之間

青蘿山

在州南二十里屬永平縣煙蘿蒼翠

故名沅江出西南

郎江

源出湖耳山

青陂湖

在會同縣

寶溪

在州城北

屬永平縣大抵洞中諸溪皆產金

武溪

九溪之一

井泉金井

邪直深淺不等實之所生皆有

之術銅豆為先黃窠烏窠次之若金星見于石則為興廢之兆也有鑪院有水池臨

池作亭乃監官閱視之所

名宦呂師周

楚書云馬氏偏霸之初飛

山洞首潘全盛遣其黨楊承磊略武岡馬氏遣討之援蘿躡石晝夜兼行直抵飛山分軍布柵全盛大

駭曰此真從天降也承磊來戰師周破其軍縛降者為鄉導襲飛山擒全盛斬之盡平飛山巢穴今環飛山有

濠塹而遺址尚存

名賢程子山

魏華父觀亭記靖為州南距廣西東障湖南北抵沅辰西極夜

郎四竟之外自靈均後代有顯人播之詩歌靖以晚出未嘗有顯者來惟一一以忤捨居歲餘土人為作觀

亭今渠江之左僅存遺址

魏子翁

以謫居築鶴山書院云山因灑繫益得循念昔愆

人物

題詠

闕

四六

簡求郡將鎮撫蠻獠

自易州鹿始雄地望

湖右奧區渠陽名郡

地近狝狗種餘槃瓠

十洞創州肇自聖明之世雙旌出守遠求豈弟之賢

九溪十洞蠻丁舊属于羈縻五馬雙旌郡將茲為之彈壓

德安府

安陸孝感應城雲夢

建置沿革

禹貢荊州之域楚地翼軫之分野春秋鄭子之國秦屬南郡漢置江夏郡安陸預焉

東漢晉因之宋置安陸郡齊寄治司州梁置南司州
復為安陸縣西魏置安州隋煬為宣郡唐改安州又
改安陸郡置安黃州節度又號奉義軍梁置宣威軍
後唐改安遠軍節度皇朝為安遠軍後以神宗潛邸
陞德安府依舊軍額
今領縣四治安陸

事要郡名安陸 風俗其土風醇厚 其士多秀傑

裴堂記

同上云云其民多隱德
承平時宦遊者樂焉

俗喜儒學

李元衡記云云

名勝相望

李元

衡記近世云云由進士擢天下弟地多磽确
一者三人謂王世則宋庠鄭獬也

李元衡學田記云云

殖貨不饒郡務甚簡

張師亮知江陵府乞知安州云云可以頤養醫藥

形勝西枕澗

水郡縣

北接漢東

李元衡鎮楚堂記云云南望沔鄂偃然足為一都會也

控荆衡

之遠勢

李白代淮南壽山答孟少府文云

唐之督府

武德改為大都督府

人境之

勝前人記西挹白兆峯巒秀出其下李太白之廬想見

吸霞雨隱若靈仙

山川石巖山

在府南十里晉張昌作亂於一一織竹為鳥

形衣以五彩聚肉于其旁而集百鳥

陪尾山

在府東北即禹貢一

白兆山

在安陸西三十里北史于翼為安州刺史遇旱禱雨於一一李白有桃花崖寄李侍御

詩紫金山

在今府治西北峭壁斗絕石皆紫色故名有跨鰲亭

大安山

在安陸縣西六十里

○李白忤高力士放還而黃山晦叔桃花巖詩云大壽安婦翁舍時來枕流眠則許負相國師家此山下

山在安陸縣西北六十里昔山民有壽百歲者

鳳山

在府東南章山縣東四

十里古人以京山在應城有溫泉五家山在應城東三十里王

為內方山九峻山在孝感縣疊嶂深林景物幽邃○范雍詩

地居之桃巖在白兆山即李白讀書處○蔡持正詩司馬巖

在郡鳳凰崗在孝感縣晉永雲夢澤在安陸南五十里

江縣有雲夢城安陸縣亦有雲夢澗水在安陸西北繞

城此澤江南江北皆有詳見岳州漳水在安陸西五十里○沈存中筆談清濁相揉者為

漳水漳章文也別有雲夢之漳與澗合流色理如蠶絲

數十里深水出應城縣唐井泉玉女泉在應城縣西四

方混煉丹佛寺救苦寺在府西四里今名勝業院李白有春

石古檜一株 **堂舍黃堂** 郡守滕甫建記曰據紫金之秀
面碧玉之奇鄭溪鳳臺如拱如

揖 **四賢堂** 始連氏之父舜賓有隱德歐陽永叔表其墓
二子庶庠從學於二宋相繼登第與二宋同

學于法興寺 ○張 **五桂堂** 在書記廳元豐中方城范公
為掌書記官舍西偏有桂甚茂

後范公之子致君致明致虛致祥致厚相 **七相堂** 在府
繼登第致君記其事後周洪道為之記云 治西

郡守陸世良詩七相聲名 **跨鰲堂** 鄭昂記云平沙回岸
紫帶城郭商帆漁舟

俱屬此尚期他日更添君 **亭樓車蓋亭** 在郡治西
北隅 ○魏

出沒煙波瀟湘有江鄉之興楚 **亭樓車蓋亭** 在郡治西
北隅 ○魏

文帝詩西北有浮雲亭亭如車蓋是也 ○漁隱叢話云
蔡確守安州日登一一賦詩云紙屏石枕竹方牀手

倦拋書午夢長睡覺莞然成獨笑 **浮雲樓** 杜牧之有題
安州卜一寺

數聲漁笛在滄浪殊有閒適之意

詩周顯德中殿寺改建黃堂而樓遂備宴遊○滕甫
詩舉頭便是長安日弄袖時飄夢澤風茂苑久拋飛鳥

外楚臺遂
在碧雲中
古跡蒲騷城
在應城北三十里左傳有
云郟人軍于蒲騷即此
釣魚

臺

在安陸縣石淙村云是郝處俊遺跡○蔡確詩矯矯
名人郝甑山忠言直節上元間釣臺蕪沒知何處歎

息思公俯碧灣○東都事略蔡確傳知漢陽軍吳處厚
奏確在安州作詩借郝處俊事以譏訕太皇太后宣仁

太后怒曰蔡確以吾比武后當重謫確奏曰臣在安州
州有涓溪舊有郝處俊釣臺蓋上元中高宗令其子周

王等分朋角勝為樂及欲傳位于武后皆為處俊議論
所回故臣詩因歎其忠直今太后以帝之祖母垂簾聽

政而輒無故引唐高宗遜位與皇
后之事上瀆聖聽其誣罔可見
西湖村
去孝感九十里○太祖潛

龍日因渴索酒飲村姥家姥持酒以進言權禁甚嚴此
私釀當察之與金不受及至太祖既貴有——酒禁

至今置名宦傳介子封義陽侯皇朝張齊賢知江陵謝病范

純仁坐議濮王典禮出通判安州有題名在九峻山寺中范雍為太謝良佐為應

○朱元晦作應城縣上蔡先生祠記云先生名良佐字顯道學于河南程夫子兄弟之門初頗以該洽自多夫

子笑曰可謂玩物喪志矣先生爽然自失乃盡棄所學而學焉如以生意論心以實理論誠以常惺惺論敬以

求是論窮理其命意皆精當而直指居敬窮理為入門則于夫子教人之法又最得其綱領中間嘗宰是邑胡

文定公以典學使者行部過之不取問以職事顧因紹介請以弟子禮見入門見吏卒植立庭下如土木人肅

然起敬遂人物楚鬪穀於菟生于邳道典安州黃香江

稟學焉安陸人京師為之語曰天郝處俊為中書令請唐高許

下無雙江夏黃童子黃瓊宗母遜位武后

紹

安陸人葬縣東名宰相林

皇朝令孤揆

卜築涓溪南雪中跨馬入城詣侯君旁借書令小童

携書麓負琴皂繒暖帽委轡長吟曰借書離近郭冒雪渡寒溪後有布衣林逸善繪為令孤雪中渡寒溪圖

張君房

安陸人為著作郎真宗日本遣使入貢詔本國建寺夷使乞詞臣撰寺記時直院之文多君

房代為之既宣令撰寺記夷使待命而君房醉飲市肆索之不得直院大窘後揚億作閑忙令曰世上何人最號忙紫微夫

鄭獬

仁宗重于選士廷試既考定前一日取首卷焚香祝之曰願得忠孝狀元

而公遂

宋庠

父玘為應山令嘗因僑寓安陸今城中錦標坊即其所居與弟祁俱以文學顯夏英

公嘗守安陸有書表吏鄭生者鄰二宋情跡甚熟凡郡守所欲牋狀多二公為之英公怪而問焉若將學而自為此耶對曰非也乃二宋秀才之文英公他日見之得其所著大嗟賞因命賦落花苔公一聯曰漢臯佩冷臨

欽定四庫全書

方輿勝覽

八

江濕金谷樓危到地香景文公一聯曰將飛更作回風舞已落猶成半面粧英公曰詠落花而不言落大宋君

異日作宰相小宋君非所及然亦須登嚴近後皆如其言初其母錢氏夢人以文選一部與之遂生子京小名

選郎名賢李白有上裴長史之書曰見鄉人相為大誇雲夢之事云楚有七澤遂來觀焉而許

相公家見招妻以孫女便皇朝寇準自相州徙安州後

愁跡于此至移三霜馬又貶道州司馬

呂大防紹聖初安州居住嘗題詠薰葭出夢中韓愈自

官還京行至安陸先寄周隨州詩行行指漢東暫喜笑袁州除

言同雨雪離江上云云面猶含瘴色眼已見華風歲暮難相值酣民淳詞訟少范伯純詩安陸號方鎮江邊

歌未可終無事州云云務簡官政優送

泛扁舟安陸郡王昌齡送人赴安陸詩春風只到穆陵

云云天邊何處穆陵關

西 劉文房行次安陸詩暮雨不知瀆口處云
云孤城盡日花空落三戶無人但鳥啼
朱欄流水

牧之詩 錢勰詩夢澤盪
山長卿賦云云

四六 光膺鳳綉 古為重鎮 維北夢之奧區
來鎮龍藩 今號潛藩 實南京之名部

俗多尚朴故訟簡之亦稀 世屬升平深有宦游之樂
民稍力農故輿賦之僅足 時方倣擾遂為爭戰之場
棣萼相輝有四賢之擢秀 宋莒公毓秀之鄉文風獨盛
竹符分寵竚七相之聯芳 謝上蔡宦遊之地道學有傳

復州 景陵
玉沙

建置沿革

禹貢荊州之域楚地翼軫鶉尾之次春秋
戰國並屬楚秦屬南郡在漢即江夏之竟

陵縣晉宋齊因之梁置沔陽郡周武改置復州取復
地湖以為名隋改沔州又為沔陽郡唐改復州獨理

沔陽改竟陵郡又為復州皇朝因之熙寧州廢元祐復立今領縣二治景陵

事要郡名景陵

孫宗鑑東臯雜錄曰自蔡州南至信陽軍始有山路險隘迤邐至安防又丙驛

至復州皆平地南至大江並無丘陵之阻渡江至石首始有淺山謂之竟陵者陵至此而竟謂之石首者石自

此而沔陽

見治

風俗人性淳和

舊經地多

風俗之美

陸羽

自傳曰云云無出吾國

多雜蠻俗

隋地理志

民足魚蟹

復州從事廳壁記地濱江漢之

之饒

形勝襟帶隨郢

朱昂廣澤廟序云云願背吳楚

沅湘之間

楚辭

之邑有古帝王之祀二

曰伏羲氏曰神農氏

夢澤之南

舊經雲一

率皆地窪而卑

朱昂序云云水漾而瀦

山川五華山

在竟陵縣東七十里即古

風氏國之城也。風國即伏羲之後。子城上有神農廟。天門山在

伏義廟。胡明仲為記。又臨津門外有陸陵縣。西六十里。唐鄒夫子別墅在焉。陸三陽湖在玉沙

羽自傳云。負書于。鄒子別墅。三陽湖。縣西二里。東曰朝陽。南曰南陽。北曰水陽。故曰三陽。三澁水。書曰。過。左傳有漳

七里沔。周地圖記。夏水合諸水。同入漢。自漢亭榭境會

亭。祥符間。因創鼓角樓。掘得一塊。鴻軒。石史。張文潛謫

遺址在菜園湖後。起倅黃州。有望復州詩。云。他年若問

亦有一。豈如老杜之在夔。三夢野竒觀。景祐間。郡守

易居而皆以高齋命名也。耶。王琪作于子城西南隅。後晏殊守祁。吳育寺觀西塔院。今名廣教。有

羽也○裴拾遺詩竟陵文學泉蹤跡尚空虛不獨支紫
公任曾經陸羽居草堂荒散蛤茶井冷生魚謂此也紫

極觀

有皮陸讀書堂日休襄陽人但龜蒙乃吳人何為
皆讀書于此然龜蒙有寄日休讀書襄陽者舊傳

日休次韻有云結彼世外交遇
之于邂逅則或邂逅于此耳

古跡范溉市

在玉沙西
四十里瀕

漢江○晉鄭交甫南遊漢江遇二女佩兩珠交甫與言
願得子之佩二女解佩與交甫懷去十餘步探之亡矣

回視二女

亦失所在

名宦韋放

梁人為

狄仁傑

唐人為
李齊物為

見陸羽於伶人
中異之授以詩

崔訂

韓愈送崔復州序有地數百里自
長史司馬已下數十人其祿足以

仁其三族及其朋友故舊樂乎心則一境之人喜不樂
乎心則一境之人懼大丈夫官至刺史亦榮矣雖然幽

遠之小民其足跡未嘗至城邑苟有不得其所能自直
于鄉里之吏者鮮矣况自能辨于縣吏乎能自辯於縣

吏者鮮矣况能自辨于刺史之庭乎由是刺史有所不聞小民有所不宣賦有常而民產無恒水旱疾疫之不期民之豐約懸於州縣令不以言連帥不以信民就窮而斂愈急吾見刺史之難為也崔君為復州其連帥則于公愈以為崔君之仁足以蘇復人于公之賢足以庸崔君有刺史之榮而無其難為者將在于此乎愈嘗辱于公之知而舊遊于崔君慶復皇朝王彥超後周為復人之將蒙其休澤也于是乎言皇朝王彥超州刺史按國史建隆二年太祖幸作坊燕射酒酣顧王彥超曰卿曩在復州朕往依卿何不納我彥超降階頓首曰臣當時一刺史勺水豈可容神龍乎使臣容人物陸羽號竟陛下陛下安有今日上大笑而罷之

人物陸羽

號竟陵子

有煎茶碣舊傳雁橋乃得一處初見羣雁翔集覆小兒於下僧史種師得而育之既長以易筮之得蹇之漸曰鴻漸于陸其羽可用為儀乃氏以陸名以羽字以鴻漸因以雁目其橋唐書有僧得之水濱既長以易筮之

事同皇朝張徽

以能詩名有滄浪集司馬溫公范忠宣公皆與之友善

題詠八十年

前棠樹陰

李齊物為竟陵太守生李監察後復為竟陵太守故周愿三感吟云云竟陵太守公先人

家家門外一渠蓮

皮日休送弟歸復州詩羨爾優游正少年竟陵煙月似吳川車螯近岸無

妨取舴艋隨風不費牽處霧路旁千頃稻所至先傳喜云云慙莫笑襄陽住為愛南遊縮頸鱖

雨詩

呂本中寄適道寺丞刻江漢樓柱詩聞道復州賢太守只如前在武陵時相逢未說為州樂云云

四六

疏綺掖垣 惟茲七澤之南 乃眷竟陵之郡 分符澤國 實在重湖之右 實居沔水之鄉

地多斥鹵本稱魚稻之鄉 天威大震掃空狡兔之群 郡有循良化作蠶桑之俗 王澤旁流安集驚鴻之衆

畫千里之封圻莫非王土 宣九重之德意共為帝臣

信陽軍

信陽羅山

建置沿革

禹貢荆豫二州之域鷄尾之分古申國之地春秋時屬楚秦屬南陽郡漢立平氏縣

隸荆州之南陽縣魏分置義陽郡宋文帝于北義陽復立司州又置宋安郡梁改北司州尋罷北宋又改

郢州周武帝改申州隋煬帝改為義州尋為義陽郡唐立申州改為義陽郡後復為申州即今之軍治皇

朝以戶口少降為義陽軍改信陽軍今領縣二治信陽

事要郡名義陽

古申風俗申伯遺俗

元和志申在周為侯伯此其遺

俗也形勝北接陳汝

寰宇記云云控帶許洛齊宋以來常為邊鎮

三關之險

定公四年蔡侯與吳子唐侯伐楚還塞太隧直轅宜院所謂太隧即黃峴關直轅宜院乃武陽平靖也黃峴今

名九里關在郡南百里武陽在今大寨嶺郡東南九十里平靖今名行者坡在軍南七十五里自中原失守談兵者謂堅守三關則安陸以南可無虞莫汲嘗論之曰三關險矣關外百里皆險也若虜人得信陽將與我分險而守營要陂以抗武陽營難頭以抗平靖營石門以抗黃峴若棄信陽是舉三關併棄之也信陽與三關勢如首尾欲全三關必固守信陽○鄱陽志余童知信陽軍終更圖上山川形勢以為欲復宛洛則必自此地始當使與三關控扼緩急相應上覽之喜擢知蘄州

與德安相表裏

繫年錄紹興三十一年金

人圍信陽軍趙搏屯德安曰信陽雖小云山川金山在云不可失也自將所部馳赴之敵騎徑去

南一十里道鑑梁天監七年魏辛祥堅守義陽梁遣將胡武成陶平虜州南一之上連營侵迫辛祥遂夜出

襲其義陽山寰宇記云在軍治東五石城山在軍東南

營十步即郡之主山也

輿地廣記云有石城山甚高峻史記曰魏攻宜阨蓋謂此山也呂氏春秋言九塞宜扼其一焉於此山置義陽

郡今廢在羅山縣 **鵲山** 南九里 **霸王山** 每出雲則必雨 **陪尾** 九

志 **冥阨塞** 在軍東南五十五里屬信陽又有大小石門皆鑿山為道以通往來荆楚守隘之地也淮

南子云大維冥阨荆院方城濠 **淮水** 西自唐州桐柏縣流入 **澗水**

南至隨縣 **樓閣白雲樓** 在子城東北 **咸喜堂** 在軍治取申伯周邦咸喜之意

相公園 范忠宣公為郡日創後人因以相公名園 **古跡武城** 在軍東二十五里今有遺址而

吳楚之爭有一里 **方城** 圖經方城塞在軍東三十里謂令尹子常治于此 左傳吳伐楚司馬成謂子常

曰子治漢而與之上下我 **謝城** 在軍東三十里申伯所封之邑也詩曰于邑于

方輿勝覽 十三

謝是也
曹城在軍城南三十五里有曹名宦申伯周宣封店即曹景宗鑿峴口所築
國于申

傅介子封義陽侯
姚崇坐與宋璟謀出太平公主於東都坐貶申州刺史
皇朝呂公

著封申國
范純仁知軍
劉安世哲宗朝為右正言論蔡確責嶺外後為知軍
人物

鄧禹新野人
來歙同上並任漢
鄧艾義陽棘陽人後封鄧艾為征西將軍
費禕江夏

鄧人也後代
蓋嘉陶潛為嘉立傳以為鄧人而晉史題
蔣琬為大將軍
以為鄧人乃今信陽軍羅山縣也
題

詠山空水復清方雄飛過甲州詩涼風吹古木
獨憐澗野火燒殘營寥落千餘里云云

水在劉文房至申州云
城邊一水挹城流郡志載古詩曰云云城外

羣山擁
春來芳草滿雞頭郭麓義陽懷古郡有雞頭山

四六

拜命宸庭

此是謝城
臨于澗水

惟義陽之名郡
乃京右之要區

城惟斗大劣于千里之封
地有風寒幸以三關之險
內控荆襄固重蕃宣之寄
外連宛洛足為進取之圖

邦人咸喜競騰良翰之歌
天子載嘉即遙禁塗之列
市邑蕭條頗覺文書之省
江山環遶不妨嘯詠之清



方輿勝覽卷三十一

欽定四庫全書

史部

方輿勝覽卷

三十二至
三十四

詳校官編修臣曹城

檢討臣德生覆勘

總校官知縣臣繆琪

校對官典簿臣郭祚熾

謄錄監生臣劉能

欽定四庫全書

方輿勝覽卷三十二

宋 祝穆 撰

京西路

襄陽府

襄陽 穀城
宜城 南漳

建置沿革

禹貢荊豫二州之域楚地翼軫之分野於周諸國則穀鄧鄖盧羅郡之地春秋時屬

楚襄陽城本楚是也

今鄧州是也自漢以南為南郡今荊州是也襄陽乃

南陽南郡二郡之地

東漢劉表為荊州刺史始理襄陽魏分南郡置襄陽郡自赤壁之敗魏失江陵南守

襄陽西晉為荊州治所

羊祜杜預皆鎮襄陽東晉于襄陽偽置雍州遂為雍州刺史治所梁置南雍州西

魏改曰襄州隋唐皆為襄州唐復陞為山南東道節度以襄州為襄陽府皇朝因之真宗潛藩陞襄陽府寶慶以京湖制置安撫兼領今統郡七領縣四治襄陽

京西轉運提刑提舉置司

事要郡名古雍

古峴

襄漢

穀城

古穀伯國

鄧城

在穀城縣

蕭何所封古樊邑仲山甫之國

風俗其民尚文

舊志宋玉王逸張悌習鑿齒之徒實

生于此土故云云

田土肥良

蕭子顯齊志雍州序襄陽云云桑梓野植蓋處處而有

俗尚

豪侈

舊志魚洪徐鯤皆襄陽人尚豪侈人化之府中謡曰北路魚南路徐

哢雜難理

曲江襄州

刺史遺愛銘序江漢間川以十數而襄陽為大昔名三輔之雄今則一都之會故在晉稱南雍在楚為北津厥

錄一亦形勝北據漢沔諸葛亮說先主曰荊州云云

蜀此用西接梁益庾翼疏襄陽荆楚之舊云云與關隴

武之國咫尺北去河洛不盈千里土沃田良

方城險峻進可以掃盪外帶江漢魯肅說孫權曰云云

秦隴退可以保據上流內阻山陵有金城之士民繁富

固沃野萬里北接宛許庾亮表云云南阻漢水

沮習鑿齒記云獨雄漢上趙善俊告詞爰念襄陽云云

洛南而據漢沔之要區西控蜀漢張松告詞襄陽重地

田土肥良山澤淵邃控制上流云云東帶

吳楚自古用武之本郡志江漢之紀居一

地三國之所必爭吳會上游楚蜀之交以襄陽

為重峴山亘其南前人云云擅

鎮漢帶其西扶大漢以為池晉順陽

方輿勝覽

云面崇山
以為固
壓平楚之千里

魏泰文選樓賦漢流東下楚山南峙西拱沮漳北通鄧鄙

据蜀粵之上流云云雲夢七澤之富方城漢水之大畫工吟筆之所不能盡者皆致吾儿席之中
南北

必爭之地

郭見義營造記跨荆豫之遠走江淮之衝號

襄陽江陵勢

同胥齒

郡志云由江陵步道五百里至襄陽勢同胥齒無襄陽則江陵受敵

臂淮楚面巴

蜀

孫冲賦一足交廣而首畿甸

山川峴山

去襄陽十里○十道志羊祜嘗與從事

鄒潤甫登一垂泣曰自有宇宙便有此山由來賢達勝士登此遠望者多矣皆湮沒無聞潤甫對曰公德冠

四海道嗣前哲令聞令望當與此山俱傳後人思慕遂立羊公廟并碑○李白一懷古詩訪古登峴首憑高

眺襄中天清遠峯出水落寒沙空弄珠見游女醉酒懷山公感歎發秋興長松鳴夜風○李涉詩方城漢水舊

城池陵谷依然身世移歇馬特襄山荆楚記水駕山而
來尋故事逢人惟說峴山碑下者皆呼為襄

萬山

在襄陽西十里有解佩渚即鄭交甫遇龍女解珠之所詳見復州

鳳山

在襄陽東南梁韋巖

立伏龍山

襄陽穀城皆有之曾鞏知州嘗祈雨於此山

卧龍山

在襄陽縣有高陽池白

馬山

在襄陽城東南十里以白馬泉名每年三月三日刺史禊飲于此

馬鞍山

一名登高

處有三磴即劉洪山簡九日宴處

百丈山

在襄陽南二十里舊傳云有麝香獸劉表遣人採藥得麝

香數

穀山

在穀城西北六十里寰宇記諸山雲起此山無雲終不降雨

屏風山

在穀城北

九十里有白玉堂仙人於此得素書

獨樂山

在鄧城西七里諸葛亮嘗登于此作梁父吟

荆山

在南漳縣西北八十里禹貢云荆及衡陽惟荆州即此是也有抱璞巖云是卞和宅

鹿門山

在宜城東

北六十里上有二石鹿故名。後漢龐德公與龐蘊孟浩然皮日休俱隱于此。漢江出嶠冢。蘇子瞻詩

襄陽逢漢水宛似蜀江清。襄水亦名涑水在襄陽西北五里。沮漳水

水在中。粉水在穀城。杜六里南雍州記。蕭何檀溪在廬鎮。夫人漬粉鮮潔異於諸水故名。襄

陽縣西南郡縣志云。蜀先主乘的顛馬西走至此。溪一躍而過。沉碑潭。杜預南征紀功

萬山之下一立峴山之上。鮑溶詩。襄陽太守沉碑意。身後身。前幾年事。漢江千里未為沉。水底魚龍應識字。

井泉金沙泉。在宜城縣東一里。造酒極美。亭臺漢廣亭。世謂之宜城春。又名竹葉酒。

在府治南望羣山環繞。有峴山亭。歐陽永叔記。峴山臨漢水。映帶平陸萬里。故名。漢上望之。隱然蓋諸

山之小者。而其名獨著于荊州者。豈非以其人哉。其人謂誰。羊祜叔子。杜預元凱。是已。方晉與吳以兵爭。常倚

荊州以為重而二子相繼于此遂以平吳而成晉業其
功業已蓋于當世矣至于流風餘韻藹然被于江漢之
間者至今人猶思之而於思叔子也尤深蓋元凱以其
功而叔子以其仁二子所為雖不同然皆足以垂于不
朽余頗疑其反自汲汲於後世之名者何哉傳言叔子
嘗登茲山慨然語其屬以為此山常在而前世之士皆
已湮滅于無聞因自顧而悲傷然獨不知茲山待己而
名著也元凱著功于二石一置茲山之上一投漢水之
淵是知陵谷有變而不知石有時而磨滅也豈皆自喜
其名之甚而過為無窮之慮歟將自待者厚而所思者
遠歟山故有亭世傳以為叔子之所遊止也故自其屢
廢而復興者由後世慕其名而思其人者多也熙寧元
年余友人史君中輝以光祿卿來守襄陽明年因亭之
舊廣而新之周以回廊之壯又大其後軒使與亭相稱
君知名當世所至有聲襄人安其政而樂從其遊也因
以君之官名其後軒為光祿堂又欲紀其事于石以與

叔子元凱之名並傳于久遠君皆不能止也乃來以記
屬于余余謂君知慕叔子之風而襲其遺迹則其為人
與其志之所存者可知矣襄人愛君而安樂之如此則
君之為政于襄者又可知矣此襄人之所欲書也若其
左右山川之勝勢與夫草木雲煙之杳靄出沒于空曠
有無之間而可以備詩人之登高寫離騷之極目者宜
其覽者自得之至于亭屢廢興或自

望海亭

在卧龍山頂上李紳

題烏盈兔缺天涯迥鶴背松梢拂檻低湖鏡坐隅看匣
滿海濤生處辨雲齊夕嵐明滅江帆小煙樹蒼茫客思
迷蕭索感心俱是夢

呼鷹臺

在鄧城東南一里○蘇子瞻詩莫上——平生笑

劉表表有館驛善譴馬襄州有驛名善却唐之——
野鷹來曲也乃淳于髡放鵲處柳宗元和

劉禹錫——奠淳
于先生者即此池

古蹟冠蓋里

荆州記峴首山南至宜城百餘里其間雕

墻峻宇漢宣未有刺史二千石數十家朱軒華蓋掩映於太山下號——杜審言詩冠蓋仍為里臺池尚

識文選樓梁昭明太子立聚習家池襄陽記峴山南有賢士共集文選

蠡養魚法當中築一釣臺將亡救其兒曰必葬我近魚池山季倫每臨此必大醉而歸按郁後漢人封襄陽公

即鑿齒大隄城今城是也李白有大隄曲○李善美大之先也

上樓日暮行人爭渡長渠在宜城縣曾子固記荆及康急槩聲幽軋滿中流

間春秋之世曰隄水楚屈瑕伐羅及鄢亂次以濟是也其後曰夷水水經所謂漢水過宜城是也其後避桓温

父名改曰蠻水是也秦昭王使白起攻楚去隄百里立碣壘是水為渠以灌隄楚都也遂拔之漢惠帝改曰

宜城宋武帝築宜城之大隄為城今縣治是也而更謂隄曰故城隄入秦而白起所為渠因不廢引隄水以灌

田田皆為沃壤今一一是也令孫永曼
叔理渠皆復其舊謂余文以為之記
名宦劉表為荆

史軍馬入宜關羽字雲長攻曹仁於樊圍呂常於襄陽
城遂理襄陽關羽破降于禁威震華夏曹操議徙都以

避其羊祜字叔子太山南城人出鎮南夏甚得江漢之
銳心後卒百姓為建碑于峴山望其碑者莫不

墮淚杜預名曰墮淚碑○祜與吳將陸抗相對使命交
通抗嘗病祜饋之藥抗服之無疑心人多諫抗抗曰一

豈醜人者時談以為杜預字元凱京兆人羊祜
華元子反復見于今舉預自代都督荊州山簡

字季倫河內懷人也為征南將軍都督荊湘鎮襄陽每
至習家池未常不大醉而歸時人歌之曰山公何所詣

往至高陽池日暮倒載歸酩酊無所知醉時能騎馬倒
著白接羅舉鞭問葛強何似并州兒○李白襄陽歌落

日欲沒峴山西倒著接羅山下迷襄陽小兒齊拍手攔
街爭唱白銅鞮傍人借問笑何事笑殺山公醉似泥君

不見晉朝羊公一片石龜頭剝落生莓苔淚亦不能為之墮心亦不能為之哀清風明月不用一錢買玉山自

倒非人推舒州杓力士鏑李白與爾同死陶侃劉洪為

生襄王雲雨今何在江水東流猿夜聲

侃為南裴度為節沈約為襄元結嘗參山南東皇朝潘

蠻長史趙普為山南道岳飛擊年錄紹興五年復

美為山南東趙普為山南道岳飛擊年錄紹興五年復

六年為京西宣尹洙授山南道人物宋玉宜城人有宅

撫使置司襄陽掌書記

龜蒙詩自從宋玉賢特立冠者舊離騷既日王逸宜城人注

楚龐德公

後漢南郡襄陽人也居峴山南廣昌里未嘗

入城府夫妻相敬如賓時劉表延請不能屈

乃就候之曰先生若居畝畝而不肯官祿後世何以遺

子孫公曰世人皆以危今獨遺之安後遂携妻子登鹿

方輿勝覽

六一

門山採藥不返。○司馬德操嘗詣龐德公，值德公上冢，德操徑入其室，命德公妻子速作黍，云：徐元直當來就

此，共談其妻子，供設須臾，德公龐統，字士元，襄陽人，從還，直入相，就不知何者是客也。龐統，字士元，襄陽人，從

習鑿齒

襄陽人，博學洽聞，以文章稱。

馬良

諺曰：馬氏五常，白眉最良。

張柬之

以賢良名。

年七十餘

孟浩然

襄陽人也，隱鹿門山，年四十遊京師，對策第一。王維私邀入內省，俄而玄宗至，詔浩

然出問其詩，云：不才明主棄，多病故人疎。玄宗杜審言曰：朕亦何嘗棄才，因放還山。○今郡治有孟亭。

襄陽人有孫曰甫，有故宅在焉。曾子固嘗有詩以紀其事。

皇朝胡旦

鄧城人，進士冠天下。魏泰

襄陽人，章子厚欲官之，拂袖還家。

朱芾

襄陽人。

題詠送別峴山頭

梁簡文帝詩分

手桃林岸，云云君欲寄音信，漢水向東流。

江漢變鄒魯

元帝示荊州吏民詩，方今一一士一為一

俗漢池水如帶

沈約別謝文學詩云云巫山雲似蓋一望沮漳水寧思江漢會

南關繞

桐柏

江淹望荊州詩奉詔至江漢始知楚塞長云云西岳出魯陽

控帶荆門遠

韓愈送李

尚書赴襄陽詩帝憂南國切改命付忠良壤畫星搖動旗分獸籛揚五營兵轉肅千里地還方云云飄浮漢水長賜書寬屬部戰馬隔鄰疆縱獵雷霆迅觀碁玉石忙風流峴首客花艷大隄娼富貴由身致誰教不自強

盧羅遵古俗

陸龜蒙續襄陽耆舊傳作詩云漢水碧于天南京豁然秀云云鄢郢迷昔囿

訪

古登高峴

李白詩云云憑高眺襄中
天晴遠峯出水落沙塞空

山色郡城頭

岑參詩別

乘向襄州蕭條楚地
秋江聲官舍裏云云

夜入摘花宿

前人云云朝穿楓葉紅

果得槎

頭魚

孟浩然詩試垂竹竿釣云云漢水魚極美襄人以槎斷水因謂槎頭魚

鬪訟日已稀

蘇子瞻游峴山題詩吏民憐我懶
煙雨接三湘崔湜襄陽作廟

云云我來無時節杖屨自排扉
堂初解印郡郎忽腰章按節巡河右鳴騶入漢陽城臨

南峴出樹繞北津長好學風猶扇誇才俗未亡江山跨
七澤云云蛟浦荷菱淨魚舟橘柚香醉中求習氏夢裏

憶襄王宅毀仍思鳳碑存更憶羊下車慙政美閉閣幸
時康多謝征南玉節前臨南雍州劉禹錫詩金貂曉重

術于今尚不忘
與江山作主人張籍詩商路雪開旌旆遠楚堤梅平明

旌旆入襄州戎昱收復襄陽詩二首悲風慘慘雨瀟瀟

○五營飛將擁霜戈百里僵屍滿澁河
南通交廣西域

日暮歸來看劔血將軍却恨殺人多
岷歐陽永叔詩言語人道使君如羊杜蘇子瞻詩襄陽

輕清微帶秦云云春遊樂何許峴

山之陽漢江浦使君
朱旆來翻翻云云

襄陽州望古為雄

王介甫詩云云
耆舊相傳有素

風四葉表閭唐尹氏
一門逃世漢龐公

遊人多是弄珠仙

顏堯詩爽籟盡
成鳴鳳曲云云

四六

春是邊城
屹然制閩

控此上游
式是南服

峴山同峻
漢水俱清

獎率獵豨
掃清孤兔

據江漢之要津

在晉則稱南雄
在楚則為北津

帝眷西邇之名部
地鄰北國之極邊

方城漢水素稱用武之區
峴首習池亦號勝遊之地

毋天我陵尺地莫非王土
各守爾典黎獻共為帝臣

休兵屯田正須元凱之規畫
輕裘緩帶會繼叔子之功名

北控闕河拓祖宗之故境
東連楚泗據江漢之上流

夜奏捷書請繼旌旆入襄陽之句
晨開幕府更歌江山作主人之詩

隨州

隨縣
應山

建置沿革

禹貢豫州之域韓地角氏亢兮野春秋為隨國楚以為縣秦屬南陽郡二漢因之晉

屬義陽郡後分置隨郡梁曰隨州西魏於隨郡置并州唐為隨州改漢東郡國初陞為崇義軍節度改崇

信軍中興以來陷於偽齊岳飛始復隨州今領縣二治隨縣

事要郡名漢東

隨陽

風俗其地僻絕

曾子固尹公亭記隨去京

師遠云云

其俗醇厚

范公擇長慶寺碑其人繁阜云云

庠貧薄陋

同上云云自古然也

常有賢者

太平興國改崇信軍詔隨於春秋雖號小國然觀其接應鄰敵云云

山澤無

美材

歐陽永叔李氏東園記一之土地之貢無上物

形勝實下州

同上雖名

藩鎮而

未嘗通中國

同上在春秋世云云盟會朝聘解居荆夷益於蒲騷鄭琴小國之間特

大介襄郢申安之間

漢東志

山川大洪山

在州西南隅乃慈悲盧尊者道

塲舊為奇峯寺今為保壽院山崛起一方巉然雲間四面斗絕其絕頂峯巒崖石中有大湖常見雲氣在下靖

康避寇之人立寨柵自保賊竟不能破以斗絕不可躋攀也

厲山

禮記祭法云厲山氏之有天下也其

子農能殖百穀注云厲山氏黃帝也起於西漢志注隨故厲國也皇甫謐今隨之厲鄉○荊州記山有二

穴云是神農所生遂即此地為神農社常年祀之

四望山

在隨縣東巖高四望皆見壽山在

東北三十五里詳見德安府

高貴山

在應山縣西有靈濟祠前有龍井聖泉

大義山

在

東北幾環百里民居其間貧富自相取足有義風故名九十九岡自棗陽至厲鄉道路交錯素號

涓川

在隨縣。劉長卿詩淮南搖落客心悲。一慙慙怨別離。早雁初辭舊關。塞秋風先入古

城武河

西南流五里至樊老湖合縣東河

檀溪

在隨縣

汶水

在應山縣北

槎水

左傳云楚人除道梁槎營軍臨隨即此

澌水

在州城西北。陳師道詩云澌澗雙水絕城隅高誼前聞

李大夫九十九岡風俗厚人人况已握靈珠

天井澗

在應山東澗之內有平原寨丙寅北敵侵犯居

民皆在此寨

樓亭漢東樓

沈括詩野草粘天雨未休客心自冷不關秋寨西便是猿啼處滿目

傷心悔上樓

白雲樓

邢居實賦云洞庭之北兮漢水之東高樓之特起兮羣山環峙曾不知其幾重

涓陰亭

張天覺詩一岷山羊叔子心隨漢水欲吞吳酒拍壺不似岷山

古跡舜井斷碑

碑字漫滅惟碑陰有五大夫字相傳秦時碑舊在舜子巷草間今在漢東閣下

○元祐間許覺之詩一千二百餘年外萬古消磨不可尋舜子井泉誰記古隨人問巷祇如今隸書字雜科蟲

體民爵名存樂石陰登覽時
名宦柳元景宋元嘉為守
斬獲羣蠻

李繁

容齋隨筆云韓愈詩蓋謂一
時為隨州刺史藏

詩鄴侯家多書插架三萬軸
一一懸牙籤新若手未觸
為人強記覽過眼不再讀
偉哉羣聖文磊落載其腹

皇朝呂大防

紹興范純仁以忤章子厚
落職為守人物季梁使隨

政楚不敢伐見左傳
周章後漢時隨人為
皇朝連舜賓應山人歲

石捐價以糶惠及鄰
李堯輔歐陽永叔作昌黎文集序

堯輔頗好學予多游其家得昌黎集六卷
名賢尹洙慶

因乞李氏以歸讀之見其源深而雄博
院後人立尹公亭
沈括神宗永洛城陷括
題詠彼美

欽定四庫全書

方輿勝覽

十一

漢東國

李白詩云云州藏明月輝
誰知喪亂後更有一珠歸

陸產不萬一

王安中詩隨岡

百欠一云云

鈴齋終日敞門扉

范純夫詩山郡經時無好客云云

四六

疏榮天上
剖竹漢東

曾屈名賢
來臨此郡

聚落隨山之下
煙嵐瀆水之濱

井邑蕭條既苦無於陸產

寂寞山城雖舟車之罕至
慈祥郡政幸襦袴之相安

里閭窮陋亦不富於農田

指日鼓行獎率獯獮之眾
聞風奔逝掃除狐兔之羣

洪山斗絕或為移治之謀

漢郡呈羅即秦歸疆之投

方輿勝覽卷三十二